

續修廬州府志

卷三十六
忠義傳二

續修廬州府志卷三十六

花翎道銜江南安徽廬州府知府清泉黃 雲總修

忠義傳 二

國朝

賀明德合肥人有勇有謀咸豐二年三月二十三日攜家避亂至施口大河沿賊逼近衆爭渡落水者多明德大聲曰且緩渡河可站此要處拒賊有二賊前來挺矛相刺明德側身接矛連刺二賊餘賊稍卻一時得濟者甚多馬賊至擊以洋鎗明德遂殉難渡河者莫不歎惜稱其義

采訪册

霍朝泰合肥人辛未武進士任江淮衛守備咸豐二年

續修廬州府志

卷三十六

忠義傳一

一

奉差往蘇未回三月賊破金陵母李氏妻郭氏子五歲名鶴年姪大年萬年堂姪春斌俱罵賊而亡泰聞信奔

回亦被害

采訪册

蔡効清合肥人臨淮把總咸豐二年從征廣西陣亡

通志

采訪册

金連科金登榜楊宏俱合肥武生咸豐二年冬出防武

昌同時陣亡

采訪册

王汝貴字金門號詔良合肥人少嗜學篤行過人嘉慶戊寅副貢生就職教諭以親老不赴選授徒養親弟子成名者百餘人晚年篤志宋儒之學咸豐三年春正月安慶陷巡撫李嘉端駐廬州檄辦團練汝貴受命招流

民練壯丁編保甲儲米粟嘗曰吾人讀書數十年致用正在今日勿諉爲異人任也十月賊陷桐舒廬州大震巡撫江忠源至方嚴飭守禦越二日清晨賊已蝟集城下汝貴奉諭守大東門督民夫塞水關一夜而工竣遣練勇李榮升等隨忠源親兵踰城擊賊榮升有膽力每遇賊奮勇當先連燒賊營獲渠魁竟以深入被殲忠源惜之益知汝貴之能用人賊穴地道攻城忠源傳令取棺盛土塞之危城中兵不滿千餉需告匱汝貴振臂呼曰江公善守江西有明效此長城可恃也由是荷戈者雲集富商巨室爭毀家輸軍忠源疏言廬郡紳民萬衆一心爲汝貴及一時倡義諸人發也堅守月餘城陷復

完者再而賊以數萬環攻城中鉛藥垂盡勢不支十二月十六日五鼓西城忽有聲如雷有頃北城火起忠源命抽練勇禦之汝貴方巡守東門率勇奔赴至演武場南何氏宅旁遇賊勇丁許之坦范國祥等三十人皆戰死汝貴被執訶之跪罵曰我在籍候選教官也賊當爲我跪我豈爲賊屈乎賊怒脅以刀罵益厲遂被害年六十屍挺臥地下賊舁不動舍去所著有經彙集古今體詩文悉燬於火里人感其義附祀岐王墩江忠源呂賢基二祠後巡撫福濟爲請於

朝奉

旨優卹給雲騎尉世職

采訪冊方
柏堂文集

王福永號祝君合肥人道光乙未科舉人潁上縣教諭
爲人秉性最純制行不苟咸豐三年賊圍潁州諸弟子
勸永避難堅執不從城陷遂率其妻孫氏盛服坐署中
及二子廷琮廷琛賊至大罵閤門殉難巡撫福濟奏聞
奉

上諭該學官乃能盛服殉難萃忠孝節烈於一門扶名教綱常
於罔替洵足樹士林之望而愧守土之官並飭建專祠專坊

予雲騎尉世職門弟子同邑李昭慶獨力爲捐建祠宇

奏案 咨
文 采訪册

陳桂林字一山合肥人庠生學修自勵忠義性成咸豐
三年巡撫江忠源保舉六品頂戴諭令帶領練丁護守

續修廬州府志

卷三十六

忠義傳一

三

南門城頭晝夜不懈於是年臘月十七日城陷陣亡已

請 旌卹 采訪册

黃承藻字魯池合肥人道光丁酉舉人黃調佑次子幼
嗜學咸豐三年賊至民多逃承藻時在外因父在城乃
嘆曰父死子生心將何忍遂入城賊至以戈刺父藻以
身當之遂遇害已請 旌卹 采訪册

徐乃濟合肥人從九品咸豐三年奉江忠源諭帶勇守
大東門率衆登陴日夜固守城將陷有約與縋城者濟
不可遂遇害已請 旌卹 采訪册

程士純字樸齋合肥人郡庠生咸豐三年賊破城具衣
冠端坐於家賊至大罵遂遇害郡庠生劉森字野橋城

陷挺身不屈罵賊遇害已

旌采訪冊

王世良字輔之合肥人世爲著姓偉軀修幹能挽兩石
弓當湖湘逆苗滋事慨然有投筆之志因棄帖括習騎
射道光乙未魁於鄉陶澍督兩江愛其才留麾下壬寅
海疆不靖奉檄守狼山嘗選死士五百人酣戰一晝夜
和議成績遂寢嗣補松江右營千總以捕盜功晉守備
署泰興營都司咸豐癸丑春賊圍江甯分守漢西門城
陷賊縛去誘降五日不屈罵曰吾雖武官然世受

國恩豈能向汝輩求活賊剖其心弟世椿隨營同死事聞

詔贈遊擊銜

通志
縣志

王乾炳合肥人性慷慨重然諾精於貿易所獲資盡以

續修廬州府志

卷三十六

忠義傳一

四

供推解尤敦友愛事諸兄惟謹平居喜讀古今忠義書
傳蓋天性然也咸豐三年十一月粵逆圍廬州乾炳奉
巡撫江忠源諭督練協守大南門兼理造送粥飯以餉
守陴者月餘不懈並捐皮油數十石濟軍用十二月十
七日城陷乾炳持戟城頭不少卻避遂被執脅之降大
罵不屈遇害年四十一歲五年經邑紳葉士選稟報奉

旨旌表

采訪冊

程士醕合肥人郡增生候選訓導咸豐三年督練守大
東門及城陷身被數傷不屈而死練目李升同陣亡四

年巡撫福濟彙奏給雲騎尉世職

采訪冊

褚樹勳合肥人廩生成豐三年率民兵守禦廬城十二

月十七日城陷殉難四年卹給雲騎尉世職采訪冊

甯蟾桂合肥人廬州營馬兵以功升外委咸豐三年江忠源委帶本營兵防水西門監放大礮屢傷賊擢把總

城陷時被地雷轟斃同治十年卹雲騎尉世職采訪冊

汪文煊合肥人恩貢生咸豐三年城陷不屈死又有武生彭振標集練禦賊賊擊殺之武生黃琛帶練守城城陷遇賊死文童王鍾靈王道坦次子城陷賊執道坦將刃之鍾靈抱其父頸願以身代賊釋其父而殺鍾靈郭先聲年六十餘城破身陷賊中賊令負石壘營先聲曰吾豈爲賊傭耶投水死先後均請旌卹采訪冊

王安泰合肥人咸豐三年冬奉巡撫江忠源檄帶練守

大西門十二月十六夜賊放地雷轟塌水西門城垣蜂擁而入安泰力禦身受重傷死又有魏殿元同守城城陷時殿元大呼殺賊賊殺之李鳳誥帶練守城與弟鳳

和妻瞿氏同日殉難均請旌卹采訪冊

郭澤宏合肥人年五十二歲咸豐三年城陷先促繼室汪氏媳王氏及其幼媳兩女俱投井死自始投縲而死胞弟澤宜亦投井死子振基振興在水西門帶練丁守

城遇賊陣亡已請旌卹均崇祀昭忠祠通志采訪冊

趙馥合肥人監生年五十二歲咸豐三年賊圍廬城奉江忠源諭帶練守城晝夜登陴勤勞罔懈城陷抵敵遇害家人聞知皆投井死一門殉難男女十一人已請旌

卹采訪冊

趙彥愷合肥人旌德教諭席珍子爲巡撫江忠源記室咸豐三年冬城陷愷與弟彥吉將赴撫轅行至九獅橋賊大至脅之降吉不屈賊怒先刃之愷亦厲聲大罵同遇賊害已請旌卹采訪冊

陳泳合肥人咸豐三年冬隨練守城城陷泳呼繼室石氏側室張氏曰欲潔身全節惟此片刻耳妻石氏自縊妾張氏投水死泳乃與表兄袁振舉友人許紹持劒殺賊力不敵俱被害已請旌卹采訪冊

唐裕謙合肥人文生唐春衢胞叔咸豐三年城陷時同其八十九歲老母詹氏及妻高氏媳葛氏僕女小環團

續修廬州府志

卷三十六

忠義傳一

六

聚廳屋積薪自焚已請旌卹采訪冊

范榮坪合肥人武生咸豐三年冬與子彥銓帶練守小東門城陷與彥銓奮力抵敵手刃數賊賊攢刺死子彥銓身受重傷越月斃命又有文生李璿治帶練守城城陷歸家盛服端坐賊至罵不絕口遇害年五十三歲已

請旌卹通志采訪冊

施錦城合肥人文生咸豐三年冬巡撫江忠源守廬州時招入幕城陷同死於難又有文生劉作新字子良團練守城晝夜登陴率衆守禦城陷殉難文生許宏世帶練守南門挺身擊賊力不支自刎死年四十一歲俱已

請旌卹采訪冊

黃樹琪合肥人文生咸豐三年冬帶練守城其父年九十歲城陷時琪侍父側不去及父卒乃自經死已 旌

卹 采訪冊

王南勳合肥人武生咸豐三年隨侍郎呂賢基往舒邑辦團練冬賊圍廬城時南勳縋城入帶勇守禦城陷禦賊身死已請 旌卹 采訪冊

朱學貫合肥人文童廩生朱路子咸豐三年冬城陷被拘賊中會官軍進勦潛通官軍謀爲內應事泄賊殺之已請 旌卹 采訪冊

趙金榜字凌霄合肥人賣卜爲生咸豐三年勦辦團練賊圍城率衆晝夜登陴守禦城陷與賊巷戰被執罵賊

續修廬州府志

卷三十六

忠義傳一

七

遇害已請 旌卹 通志采訪冊

周儀華合肥人從九品咸豐三年十一月賊至小東門外被執不屈遇害時年五十五歲已請 旌卹 采訪冊

陳志泉合肥人武生年七十餘歲咸豐三年管守廬州兵糧賊入城志泉獨堅守不去賊至殺之已 旌卹 采訪冊

王桐合肥人咸豐三年賊圍城桐對衆曰必殺賊死始無憾及城陷遇賊於道與敵力屈被害已請 旌卹 采訪冊

程傑合肥人議敘八品咸豐三年冬奉諭帶勇守南門城陷殉難卹予雲騎尉世職 采訪冊

甯雲上合肥人咸豐三年從江忠源守城獎六品軍功

十二月十五日賊薄城下木石斃賊十餘名擢藍翎都司十七日賊攻城益急雲上在西北隅防守地雷發城陷墮死經安撫裕祿奏請得

旨祀昭忠祠並給雲騎尉世職子萬青襲

采訪冊

周繼昌合肥人文童廩生春澤長子有膽氣咸豐三年城陷罵賊遇害妻唐氏時懷妊聞夫死亦絕粒而死已

請 旌卹

采訪冊

趙君弼字右丞合肥人歲貢生爲合肥舊族家貧課徒自給老而不倦居千戶巷宅後有二井咸豐三年賊圍城君弼謂家人曰城如不守二井卽吾家畢命處也城陷投井死子婦張氏羅氏及幼女二孫女一均從容投

續修廬州府志

卷三十六

忠義傳一

八

井死已 旌

采訪冊

田匯渠字士升合肥人優貢生平居謹飭咸豐三年冬賊圍郡城匯渠悉力佐巡撫江忠源捍禦城陷衣冠罵賊曰我貢生某也盍殺我遂遇害其兄六品頂戴鍾靈率練助守南城城陷殉難母張氏妻王氏均投井死同治十年五月二十八日奉

旨旌卹世襲雲騎尉

曾國藩奏案合肥縣志

同時以紳士從巡撫死者又

有庠生孫懋苓奉諭帶練丁登陴城陷遇賊戰死劉金鏞及其弟金鑾率練登陴並捐傘布油燭等物以供軍用城陷兄弟攜手同投城濠殉難已請 旌卹

采訪冊

錢琨合肥人文生慎言語寡嗜好事親至孝咸豐三年

城陷罵賊不屈衣冠自縊同時有郡庠生陳蕙林破城時自縊均已 旌 冊 采訪

謝以庠合肥人從九咸豐三年督練守城城陷擊賊被刺死已 旌 冊 采訪

謝子齡合肥人增生咸豐三年督練禦賊城陷陣亡卹給雲騎尉世職 通志 采訪冊

胡騰高合肥人武舉咸豐三年冬奉巡撫江忠源諭督練丁率弟邑庠生國泰守禦南城城陷同時殉難卹給

雲騎尉世職 通志 采訪冊

沙文杰合肥人咸豐三年城陷罵賊受傷投水殉難已請 旌卹 冊 采訪

續修廬州府志

卷三十六

忠義傳一

九

李鈞合肥人候選府經歷咸豐三年隨巡撫江忠源守城城陷殉難已請 旌卹 冊 采訪

郭澤華合肥人八品軍功咸豐三年帶練守城城陷遇害已請 旌卹 冊 采訪

郭振綱合肥人咸豐三年冬隨練守西門城陷殉難已請 旌卹 冊 采訪

李湖三合肥人咸豐三年賊圍城率練守禦城陷被害又婁開彥婁瑞祥均帶練守城城陷遇害俱已 旌卹

冊 采訪

宋學林合肥人咸豐三年帶練守西門城陷與其堂兄國元迎敵而亡已請 旌卹 冊 采訪

高炳光號舜臣合肥人文生咸豐三年城陷自縊死已請旌卹采訪冊

程恩銓合肥人文生咸豐三年城陷遇賊被執不屈死又歲貢生周大鵬城陷不屈死俱已旌卹采訪冊

楊思勅合肥人歲貢生咸豐三年奉巡撫江忠源諭帶練守城城陷死難已旌卹采訪冊

蔡麗生合肥人監生咸豐三年城陷不屈死已請旌卹采訪冊

王應鈺合肥人咸豐三年奉諭守水西門地道專司礮火賊放地雷轟破城垣鈺被震死已請旌卹采訪冊

續修廬州府志

卷三十六

忠義傳一

十

保聯科與難已請旌卹采訪冊

梅棋合肥人咸豐三年冬賊陷廬城被執不屈死又趙崇仁王德華帶練守城城陷不屈死均已旌卹采訪冊

王尚達合肥人咸豐三年城陷伏刃死已旌卹采訪冊
李清和一作河字元甲合肥人咸豐三年冬奉諭團練城陷時遇賊受傷死已請旌卹采訪冊

李桐生合肥人監生癸卯南元桐鄉縣知縣李廷輝之孫咸豐三年城陷投水死已請旌卹采訪冊

李宗浣合肥人候選州同乃壬午進士慈谿縣知縣李式圃之子咸豐三年城陷遇害已請旌卹采訪冊

江純粹合肥人廬州營兵咸豐三年登陴守禦城陷遇

害又倪士杰年六十餘城陷投水死均已 旌卹采訪冊

丁樹德合肥人議敘九品咸豐三年帶練陣亡已請

旌卹采訪冊

李志綱合肥人從九咸豐三年辦練禦賊力盡捐軀奏

請 旌卹給雲騎尉世職采訪冊

凌雲漢合肥人文生咸豐三年城陷不屈遇害已 旌

卹采訪冊

瞽某合肥人失其姓名咸豐三年賊至時持杖大呼勸

衆乘城守禦及城陷猶疾呼人登陴賊殺之已請 旌

卹采訪冊

許錫麟通志作齡字芝亭合肥人文生咸豐三年冬粵賊圍

續修廬州府志

卷三十六

忠義傳一

十一

城分守東門城陷賊虜至以矛刺賊罵不絕口賊奪其

矛刺喉而死已 旌通志采訪冊

董承謨合肥人文童咸豐三年冬巡撫江忠源給六品

軍功諭帶練勇守城十二月城陷與堂弟承照堂姪保

康同時陣亡兩江總督何璟於同治十一年七月二十

八日彙案題奏九月十八日奉

旨照陣亡例

賜卹采訪冊

黃子會陸體仁焦幕江陳文迪黃子義丁張鵬俱合肥

人咸豐三年守城門於城陷時力戰死已 旌通志

董以喬合肥人咸豐三年髮逆犯廬州府城陷與弟以

懷以韶姪樹齡金臺及家屬閤門殉難同治七年奉旨旌卹祀祠建坊

通志

葉有訓葉有傑葉日起俱合肥人文童咸豐三年帶勇守東城罵賊遇害文童葉日修帶練禦賊城陷賊脅之汲水罵曰吾豈爲賊奴耶投井死已

旌通志
采訪冊

范儲謙合肥人監生成豐三年城陷率妻虞氏子彥超孫士林士仁士明孫媳林氏蔡氏共七口皆罵賊遇害

又有李文郁隨同守城亦全家殉節

采訪冊

李文蔚字豹君合肥人道光癸卯舉人揀選知縣咸豐三年賊警至廬大吏諭辦團練文蔚集練助守布置悉有條理城陷被執義不屈罵賊死胞弟文炳見兄爲賊

續修廬州府志

卷三十六

忠義傳一

十一

害與兄子學魯執械擊賊賊殺之其弟文瑞妻節婦黃氏文萃妻節婦張氏姪榜杰年十八歲榜全年十四歲同時墜井死八年城再陷文蔚母周氏年六十七歲罵賊遇害三弟文翰七弟文治胞姪學道學業學強俱遇害六弟媳王氏投繯死前後殉難十四人

通志
采訪冊

沈懷古合肥人年九十九素行渾樸咸豐三年賊由巢湖竄擾懷古持杖擊之罵不絕口被殺

采訪冊

朱嚮離合肥人文生成豐三年冬城陷從容作書屬其子疾走勿從賊身自盛服置書於懷詣學宮自經死

采訪冊

朱新發合肥東鄉五里浦人咸豐三年賊至城外新發

帶練勦賊衆寡不敵遂遇害年五十四歲采訪冊

蔡家鷺合肥人文生年七十三咸豐三年賊至家鷺衣冠坐庭中責以大義並訶斥之賊刃之死采訪冊

王璟字效平合肥人咸豐三年賊圍城協衆登陴固守日夜不寐雖病罔懈城陷拒賊死之采訪冊

梁坦合肥人監生成豐三年冬帶練勇與其姪孫學純同守得勝門城陷俱死之監生王本善衣冠自縊采訪冊

吳光綬合肥人文童年五十二學優行篤閭巷稱孝子咸豐三年郡城陷與妻李氏子大懷大意同殉難采訪冊

陳鳳鵬合肥人廬州營馬兵道光二十年間隨營出防定海得六品藍翎咸豐三年江忠源選入親兵營防守

續修廬州府志

卷三十六

忠義傳一

十三

水西門兼管大礮至十二月十七日城陷殉難采訪冊

沈廣昭合肥人咸豐三年賊竄郡城遇賊罵不絕口遇害采訪冊

程寅亮合肥人文童咸豐三年賊圍廬城寅亮以策進巡撫江忠源城陷殉難采訪冊

朱占鰲合肥人監生性素慷慨論交以信著事親以孝聞其母程氏早歲嫠居撫占鰲成立家事益艱因爲人傭書以養親咸豐三年粵逆竄入廬郊占鰲旣送母避難乃從軍巡撫江忠源覘其材器可用命率官兵八十

名守城墉一隅防備嚴謹及城陷猶伏礮震斃賊數十名遂遇害采訪冊

鄭本厚合肥人世居城內素明大義咸豐三年粵匪圍廬厚及弟本立本亮從長兄海鰲帶練助守城日夜巡防城陷時厚督率子弟持矛堵禦殺賊及旦賊衆擁入先後遇害厚有二子長子崇義奮力投軍洵保總兵又有張純者城陷時整衣冠罵賊而亡

采訪冊

趙金武王大誥均合肥人以團首立功咸豐三年巡撫江忠源給金武八品頂戴大誥以約首給六品軍功帶練兵日夜捕匪是秋賊圍廬郡金武大誥與金慕西王恩沛鄒鴻賓孫綺才等招勇數百人紮營八里岡在城外爲犄角攻擊屢捷十一月十六夜賊圍營次日營破金武大誥同王定佐王定位力戰死之大誥子廷桂亦

得八品軍功又有李士海者頗有才畧領練勇百餘人奮不顧身踰城住劄與賊戰罵賊而死時年三十四

采訪冊

張紹馨字步青合肥人五品花翎監生成豐三年冬城陷流徙至浙垣在提督高營立功疊保翎頂領帶右營

繼因勦賊陣亡

采訪冊

蔡家麒合肥人從九品咸豐三年賊至與其姪有固率練丁固守城陷麒獨戰賊力竭被害又有文生黃鈞三及子之利同殉難八年其次子之亨又被賊害並孫女

四養女一俱入井死

采訪冊

劉汝錫合肥人監生成豐三年率勇守城城陷罵賊而

亡其妻李氏與一子一姪俱殉難又有文生劉夢李城陷被擄子宏業女九歲在城尋父子遇賊殺害女投洗

馬池死

采訪冊

李梗桂武生子正榮千總合肥人於咸豐三年帶領練

勇投効隨巡撫江忠源在水西門城牆遇賊抵敵被地

雷轟斃

采訪冊

朱光煥字晴峯合肥人庠生早入泮初館城中從學者

多人咸豐三年粵匪竄廬城時寄居鄉里出見賊焚掠

大罵妻李氏亦同出罵遂同時遇害子體泉孫緒綱亦

先後被害

采訪冊

張天才合肥人咸豐三年捐助軍中雨傘三千具巡撫

續修廬州府志

卷三十六

忠義傳一

十五

江忠源給六品銜把總城陷遂隨忠源殉難

采訪冊

季明高合肥人咸豐三年十二月帶勇西門城樓陣亡

采訪冊

劉宏先合肥人咸豐三年充練丁守城殉難又季春隨

巡撫江忠源勦賊陣亡

采訪冊

郝孟超合肥人咸豐三年粵賊破城遇賊罵之被刺死

采訪冊

高鳳鳴劉允哲皆合肥人監生成豐三年同禦賊於舒

城被賊殺

采訪冊

朱雨亭合肥人從九與監生王金貴霍錫誥及嚴映奎

均於咸豐三年守城殉難

采訪冊

殷觀一合肥人咸豐三年粵賊陷廬城罵賊遇害采訪冊

朱秀芳合肥人咸豐三年同姪桂香帶練守水西門城

陷殉難采訪冊

董國恩合肥人武生咸豐三年帶練丁守水西門城陷

殉難采訪冊

汪海鳳合肥人文童咸豐三年帶練協守南城殉難采訪冊

冊

陳璞合肥人充府兵北科辦理軍需保六品軍功城陷

殉難同時有陳邦林陳邦彥並廬營稿房保六品軍功

陳錦堂府刑北科同辦軍需保六品軍功均城陷殉難

采訪冊

續修廬州府志

卷三十六

忠義傳一

十六

龔本質字文彬合肥人咸豐三年城陷罵賊死年四十

八歲采訪冊

楊永年合肥人文童咸豐三年巡撫江忠源守廬永年

因舉人李文蔚請見忠源面陳願助銀三百兩佐軍用

次早城陷與忠源同殉難采訪冊

陳幼羣合肥人咸豐三年粵逆築壘在水西門外掘其

祖父墳墓往護被殺采訪冊

胡明德字大倫合肥人咸豐三年與子慶銀罵賊同被

害采訪冊

沙鳳鳴合肥人武生咸豐三年帶練巡城城陷率勇對

敵受傷殉難采訪冊

陳鍾靈字海峯合肥人邑庠生篤行好學授徒爲業咸豐三年城陷殉難册 采訪

吳世雍合肥人監生徙居金陵咸豐三年髮逆陷城子有常孫道謙同日殉難册 采訪

虞邦平王春和合肥人咸豐三年同奉諭守北門城陷殉難册 采訪

江大金合肥人咸豐三年派守城垛死於城上又從九萬家福亦奉諭守城殉難册 采訪

章芬號露芳合肥人監生年七十三咸豐三年城陷罵賊殉難册 采訪

續修廬州府志

卷三十六

忠義傳一

十七

害册 采訪

周鉞合肥人咸豐三年賊犯境被執不屈死之册 采訪

胡毓芹合肥人咸豐三年協練守城城陷戰死册 采訪

史陽春合肥人咸豐三年城陷守義不屈遂遇害册 采訪

張耀祖合肥人充兵房書吏咸豐三年隨巡撫江忠源守城城陷陣亡妻蔡氏亦殉難册 采訪

霍致知霍正心霍步青俱合肥人舉人霍朝楹子也咸豐三年城陷與霍承書同在家被執大罵遇害册 采訪

陸正文議敘八品方秉政方秉宣均從九品合肥人咸豐三年奉諭帶練守城城陷同時殉難册 采訪

鮑和于合肥人咸豐三年帶練守城城陷殉難又李嘉

誥守城遇賊被害冊 采訪

張星南方聯蕙趙海晏趙繼成均文童合肥人咸豐三年守城月餘城陷同遇害冊 采訪

徐瑞合肥人咸豐三年守城月餘城陷與次子康泰遇賊同被害冊 采訪

陳玉帶趙繼曾趙海清俱合肥人咸豐三年守城月餘城陷同殉難冊 采訪

高正洪合肥人咸豐三年守城堵戰十二月十七日五更時地雷忽發殉難冊 采訪

褚運倫合肥人武生咸豐三年奉諭督帶練丁城陷殉難冊 采訪

續修廬州府志

卷三十六

忠義傳一

十八

褚彬紱合肥人咸豐三年奉諭督帶練丁開水西門龍口城陷殉難冊 采訪

高大剛合肥人監生咸豐三年帶練守城城陷遇害冊 采訪

范鳴岐合肥人文生與六品軍功文生范凌霄及范儲豐范儲煊范儲焯均於咸豐三年守城殉難冊 采訪

蔡邦俊嚴應奎束庚生合肥人均於咸豐三年守城殉難又文童張心南城陷罵賊遇害冊 采訪

韓士善合肥人咸豐三年城陷率子開泰並媳同日殉難冊 采訪

譚兆祥合肥人六品軍功咸豐三年守城城陷殉難冊 采訪

冊

查鍾楷合肥人監生咸豐三年冬偕弟鍾慶同戰死又從九虞鸞采衛揚芳崔廣和周良均同時遇賊不屈死

冊 采訪

羅璧合肥人咸豐三年城陷遇害二媳一女均投井死又譚慶恩城陷遇害妻韋氏遂以身殉

冊 采訪

張守貴合肥人咸豐三年城陷遇害妻譚氏攜幼女同

縊死

冊 采訪

孫積玉合肥人武童咸豐三年在南門充當練勇城陷

在城頭拒賊被殺

冊 采訪

錢金甫合肥人咸豐三年充團練百長守德勝門城陷

續修廬州府志

卷三十六

忠義傳一

十九

殉難

冊 采訪

費濟平姜上元楊志謨楊志愷合肥人均於咸豐三年在營効力陣亡

冊 采訪

徐大林合肥人六品頂戴咸豐三年入軍營擊賊於七

星關陣亡

冊 采訪

梁學醕合肥人咸豐三年帶練守城殉難又高大璋城

陷死難合家十一口同殉

冊 采訪

許詔合肥人咸豐三年冬執办城頭禦賊城陷遇害又

文童衛蘭生帶練守北門城陷殉難

冊 采訪

毛啟厚合肥人文童咸豐三年帶練守西門城陷殉難

冊 采訪

黃純陽合肥人賦性慷慨才力過人咸豐三年在郡勦辦團練踊躍爭先戰死兄純勳亦同殉難采訪册

張變于合肥人咸豐三年隨巡撫江守城城陷殉難其妻錢氏常氏汪氏及長意順意共投井死采訪册

胡安邦合肥人耆民年九十五咸豐三年城陷罵賊死采訪册

唐嘉通志作家吉合肥人咸豐三年城陷舉家自焚其所居縣橋舊址今有合家總墳通志采訪册

王調炎合肥人六品軍功咸豐三年帶練勇守大西門夜與賊對敵陣亡采訪册

續修廬州府志

卷三十六

忠義傳一

二十

陣亡采訪册

王坤元合肥人六品軍功咸豐三年團練守城城陷殉難采訪册

趙某合肥人咸豐三年賊攻城時手執大刀在北門大街呼衆守城城陷陣亡采訪册

巫炳魁合肥人年二十四與兄炳忠胞姪邦柱邦良邦贊邦鳳邦庸邦本郭清吳尚友等於咸豐三年十一月

初三日賊至與賊對敵殺十餘人後賊漸至力不能支俱被賊殺采訪册

龔璧字子穀合肥人文生成豐三年城陷罵賊受傷而死采訪册

胡良春合肥人充鄉勇長咸豐四年從巡撫江忠源禦守西門城陷戰死已 旌冊 采訪

束寶晉合肥人廩生成豐四年從軍擊賊於巢邑之項家菴力竭陣亡奉

旨給雲騎尉世職

通志 采訪冊

陳寶書合肥人咸豐四年七月二十四日隨知縣張鈺勦賊於上派河兵潰率衆力敵被創赴水死已 旌卹

又有戴大謨年六十二朱守成年二十二亦同死

采訪冊

解成鈞合肥人監生素行慷慨咸豐四年春官兵進勦城賊成鈞毀家紓難給兵餉起練勇竭力助攻兵潰鈞

赴水死已請

旌卹

采訪冊

續修廬州府志

卷三十六

忠義傳一

二十一

衛濱烈合肥人文生與武生衛芳烈文生衛文蔚衛承瑜均居合肥之鄉雙河咸豐四年五月二十二日帶勇

助攻舒城迎敵陣亡已請

旌卹

通志 采訪冊

胡慶秀胡慶哲合肥人均於咸豐四年從軍陣亡

采訪冊

吳儀賓合肥人咸豐四年遇賊不屈殉難年六十四歲

采訪冊

李秀林解承選陳振傳俱合肥人咸豐四年勦賊均在

花子崗陣亡

通志 采訪冊

吳沛然吳永

通志 作承

章合肥人文童咸豐四年隨刑部郎

中李文安帶練擊賊於紅石嘴同時陣亡

通志 采訪冊

王訓泳字登岸合肥人幼習經史通大義咸豐四年寇

掠豐樂鎮訓詠謀集衆拒之賊突至被獲義不受屈罵賊被害采訪册

賈恆年合肥人六品軍功咸豐四年領鄉練百人在東城河搭浮橋二以渡官兵賊擁至接戰同死者數十人采訪册

李明萬合肥人監生咸豐四年粵逆竄肥西帶練堵禦與子玉林俱陣亡姪媳節婦楊氏媳湯氏俱投水死練丁李文貴張朝貴王恆元汪春榮鄒洪元王有貴孫效傳王恆志亦同陣亡通志采訪册

洪和有合肥人咸豐四年帶練勇保衛鄉里賊至戰竭而亡采訪册

續修廬州府志

卷三十六

忠義傳一

二十一

周盛華合肥人少習騎射不屑家人生計咸豐間粵逆入廬境在周家興店築堡自守與弟盛波盛傳屢挫賊鋒積功洊保游擊咸豐五年二月初四日賊糾合大股攻堡衆寡不敵堡破衆潰盛華遇害從死者數十人同治八年直督李鴻章奏請奉

旨照例議卹准於原籍建祠通志采訪册

王坤理合肥人咸豐五年正月初二日賊至長甯河遇賊逼脅不從被害年三十二歲又有文童吳浩然三月賊船至陸家畝掠糧強之負米浩然不屈賊殺之均已

請旌卹采訪册

萬于瓚合肥人歲貢生咸豐五年集練殺賊於巢湖不

克死已請 旌卹冊 采訪

丁哲憲合肥人咸豐五年進勦三河起鄉夫築營被賊用銃擊死已 旌冊 采訪

陸奉璋合肥人文生咸豐五年在鄉帶練擊賊被害已請 旌卹冊 采訪

吳雲錦凌興發俱合肥人咸豐五年同辦團練髮賊至被害已請 旌卹通志

黃魯琛合肥人咸豐三年賊擾廬城誓捐軀以滅賊遂從戎効力五年攻賊壘陣亡冊 采訪

蘭西美合肥人咸豐五年賊踞上派河率衆往擊寡不敵衆遂遇害冊 采訪

續修廬州府志

卷三十六

忠義傳一

二十二

孫在仲合肥人咸豐五年在金家山堵賊陣亡又孫勳婁在劉家墩堵賊陣亡冊 采訪

劉運澤合肥人軍功從九充練長咸豐五年在巢湖南岸陣亡冊 采訪

劉聚貴合肥人耆民咸豐五年賊過境被擄不屈遇害又文生陳瑞圖鹿家俊鹿詩萃均罵賊身亡冊 采訪

凌江合肥人咸豐五年髮逆入境焚擄不受賊脅被害又宣載和在柘臯軍營陣亡冊 采訪

劉務雲合肥人耆民咸豐五年賊至被執不屈罵賊而死冊 采訪

劉春富合肥人咸豐五年充當奮勇身先接戰手刃數

賊在湖邊遇害冊 采訪

吳舒秀合肥人咸豐五年賊至被執罵賊而死又吳天

興與賊鬪死冊 采訪

汪大年合肥人咸豐五年賊至中廟隨練往擊被獲罵

不絕口賊磔其尸冊 采訪

汪鳳麟合肥人咸豐五年隨營攻賊衆退鳳麟獨持械

前進連殺數賊被獲不屈死冊 采訪

李春和合肥人目瞽精星命咸豐五年賊至大罵被害

冊 采訪

吳全貞吳定貞吳璠俱合肥人咸豐五年賊船忽竄鄉

三人起練湖邊擊賊不敵遇害冊 采訪

孔昭吉合肥人年二十九住長臨鎮咸豐五年奉諭守

卡賊衆乘夜突至不敵遇害冊 采訪

黃邦泰號魯瞻合肥人文生爲人重義氣族黨有難破

產救之咸豐三年賊陷城遂從提督何効力五年陣亡

冊 采訪

葉增麟合肥人以功保千總花翎咸豐五年陣亡胞弟

增壽被洋礮擊死冊 采訪

趙智進合肥人咸豐五年三月初十日賊竄鄉村挺刃

而出鬪死戶外又有趙仁純趙義維趙義明住趙家巷

村五年賊竄本村起練擊賊不敵遇害冊 采訪

孫極法合肥人務農爲業咸豐五年七月二十四日髮

逆盤踞金家小廟偕練衆攻賊捐軀采訪冊

程肇文合肥人文生咸豐五年賊踞廬州肇文以忠義激勸鄉人率衆隨署舒城縣甘圍勦奮勇先登爲賊傷

死采訪冊

王允中合肥人年四十七辦南鄉團練時與賊鬪每有擒獲鄉里賴之以安咸豐五年賊隊入境大掠衆寡不敵被執不屈殺之采訪冊

孔家泰合肥人咸豐五年隨總兵音德布在舒城勦賊奮不顧身殺賊甚多保藍翎把總後在和州進勦遇賊爭先衝至賊隊殺賊二十餘人力盡陣亡采訪冊

支尚崇合肥人咸豐五年賊入境其母陸氏被執以刀

置頸將殺之尚崇持械急往救賊誘以投械釋母崇甫投械賊釋其母執崇殺之年二十一采訪冊

余思楠合肥人咸豐六年同弟主簿思樞率勇攻潛山失利軍退思楠殿後陣亡已旌兩江忠義錄

魯汝霖合肥人六品軍功咸豐六年從提督鄭勦賊桐城陣亡已請旌卹采訪冊

吳正邦合肥人咸豐六年賊踞三河正邦首先倡義鼓勵練丁於要隘布置助勦生擒匪類數十名次年春桐城兵退賊復竄三河焚殺遇害采訪冊

程仁字鵬振合肥人署舒城縣把總咸豐六年隨提督秦定三勦廬江賊八月十一日在廬邑西鄉冷水關陣

亡堂兄庭化同殉難通志采訪册

胡憲典合肥人咸豐六年隨李軍克復潛山縣陣亡又六品軍功周盛鼇在和州隨滁全統領攻賊被火鎗擊

死采訪册

汪海晏合肥人咸豐六年為提督達司筆札在桐城大

關殉難采訪册

費崇彬合肥人咸豐六年從鮑營効力陣亡采訪册

姜鍾慶合肥人從九咸豐六年隨和營進勦桐城被賊

傷胸而亡采訪册

朱志田合肥人咸豐六年從軍陣亡又朱志彬朱志忠

朱琴六均在巢縣蒼頭陣亡采訪册

續修廬州府志

卷三十六

忠義傳一

二十六

朱志貴合肥人藍翎六品咸豐六年從何營在桐城縣

陣亡采訪册

徐家蕃孫宏宣應選俱合肥人百總咸豐六年從總統

莫占魁營在盛家嘴殺賊甚夥賊旋大隊至重疊圍繞

守禦兩晝夜援絕力窮遂同戰死采訪册

左士純合肥人咸豐六年隨提督和辦團練禦賊陣亡

又毛志和從山東布政使李在安慶陣亡采訪册

李第榮合肥人六品軍功咸豐六年隨營攻巢縣東關

營潰被執不從殺之采訪册

蔡春先合肥人咸豐六年從練殺賊衆寡不敵被賊殺

又夏文忠在潛山軍營陣亡采訪册

程東昇合肥人六品軍功咸豐六年隨從兄程仁進勦賊廬江同被害采訪冊

宇鳴友合肥人藍翎把總帶練助勦咸豐六年在巢縣

陣亡通志采訪冊

溫朝謙溫光裕合肥人均於咸豐六年罵賊被害又藍

翎把總李章林在巢縣東關陣亡采訪冊

吳克勝羅朝明羅朝發宣滿禮宣聰志凌思玳凌宏遠

俱合肥人投効李元華中營余麾下咸豐六年營潰同

時陣亡采訪冊

朱乃典合肥人童生投効李元華營咸豐六年在巢湖

南岸陣亡采訪冊

續修廬州府志

卷三十六

忠義傳一

二十七

夏文志合肥人咸豐六年在潛山軍營陣亡又吳全仁

吳友仁俱投李元華營是冬在潛山陣亡采訪冊

蔡運華合肥人咸豐六年賊燒其宗祠忿罵被賊殺之

又徐彩元歐正祥均以賊燒其家救滅被殺采訪冊

繆興邦合肥人咸豐六年賊打其母拒之被賊磔死又

吳興兆賊打其父護救亦被磔死采訪冊

章學淵合肥人五品銜藍翎守備咸豐六年從和營攻

三河廬江巢縣等處後以力竭陣亡又章學舒亦隨和

營攻三河等處同時陣亡通志采訪冊

宋志佐合肥人八品軍功咸豐六年招集練勇克復無

為州追賊至黃洛河戰亡尸骨無存采訪冊

胡朝弼合肥人咸豐六年罵賊被賊剖心慘死采訪冊

王朝德合肥人花翎都司咸豐六年隨提督張攻高瀆

陣亡采訪冊

張應華合肥人千總與九品軍功羅忠建及羅忠誠王

立業張起鰲均於咸豐六年從道員李元華在潛山七

里河勦賊被圍數重倚背殺賊數十人力竭同死采訪冊

潘大吉合肥人文童咸豐七年冬捻匪南來大吉遇害

其妻王氏聞夫死投水自盡又有解先聘隨舉人李元

華集練堵禦力不敵被殺陳元充西鄉地保起練堵禦

衆潰一家十二口遇害均已請 旌卹通志采訪冊

徐義衡合肥人咸豐七年春賊至義衡率衆抵禦手刃

續修廬州府志

卷三十六

忠義傳一

二十八

數賊追數里賊復大至力不敵遇害已請 旌卹同時

死者有邑庠生董光熊不屈遇害郡庠生魏辛占賊至

大罵遇害毛玉珍被執不屈遇害方世鏞年六十九歲

被賊長鎗刺死方澤洪年五十七歲賊至罵不絕口遇

害鄉飲賓唐緒正罵賊被害子慎福年甫弱冠持戟刺

賊被執問之以願捨身報父對賊釋之采訪冊

褚弼字敏廉合肥人候選從九品性誠樸工書法咸豐

七年二月初三日在桐城軍營勦賊陣亡奉

旨給雲騎尉世職采訪冊

張文楓字宸封號愛亭合肥人自幼聰穎事親孝友愛

甚篤喜施與壯習弓馬中咸豐壬子武舉人丙辰會試

揀選千總回籍時值粵匪竄擾皖省憤志從軍皖撫福濟委帶撫標後營防守廬州賊兩次圍撲府城衆號十萬城中兵單外援不至文楓撫勵士卒晝夜堵禦幸得保全七年春調赴桐城縣堵勦賊衆餉匱文楓以平日所得薪水悉出犒士或勸出圍圖再振文楓厲聲曰吾自從戎卽不望生還如爾等不願從死者各自爲計士卒感泣咸願隨戰於是開壁馳擊躍馬先登身被重創猶手刃黃衣賊多名於二月初三日在桐城縣大關地方血戰陣亡事聞奉

旨卹予雲騎尉世職其胞弟軍功六品文格同時殉難其妻宋氏聞信絕粒數日守節待 旌子繼謀襲職

采訪冊

續修廬州府志

卷三十六

忠義傳一

二十九

劉士發字家林合肥人樸誠敦厚咸豐三年粵氛滋擾郡邑戒嚴舉人李元華領廬州團練擊賊士發隸族祖劉元灝麾下屢戰皆捷敘功給六品頂戴儘先把總七年正月潛太相繼克復練營分扼太湖甫旬日賊數萬擁至四面圍撲堅持六晝夜衆寡不敵陷陣死之子克仁負屍從間道歸同治八年直督李鴻章查明奏請照陣亡例從優議卹得

旨俞允旋以子克仁貴贈建威將軍子四長克仁自有傳

采訪冊

趙瀛合肥人咸豐七年被賊擄大罵不屈投陳家壩死

已請

旌卹

采訪冊

孔憲禮合肥人武舉掣籤歸兵部効力從勦雲南賊匪

保衛守備補用咸豐七年粵逆復竄三河被擒不屈遭
凌虐死已請 旌卹 采訪冊

胡方沂合肥人文童咸豐七年隨凱勇營禦賊陣亡已
請 旌卹 采訪冊

楊麗生合肥人文童爲都司陳某司書記咸豐七年隨
陳進攻桐城賊夜劫營麗生力戰死之家人王升覺得
其尸傷痕偏體已請 旌卹 采訪冊

朱壯士合肥人失其名咸豐七年率子鵬飛集勇禦賊
殺二人賊衆至俱力竭死是年黃國謨與弟國訓俱禦
賊不屈死閤門殉難已請 旌卹 通志

趙熙黃調羹合肥人均文生咸豐七年春與監生程謹

隨鄭魁士行營進攻桐城兵潰陣亡謹子錫亦同被害
均已請 旌卹 通志采訪冊

汪甸成合肥人隨游兵營駐紮含山縣昭關咸豐七年
賊至陣亡 采訪冊

胡守惠合肥人咸豐七年在軍次陣亡又六品銜把總
宋文海從提督馬營在桐城剿賊陣亡 采訪冊

吳之模合肥人咸豐七年從李軍在巢湖南岸散兵灣
陣亡 采訪冊

何永常合肥人咸豐七年在溧水縣遇賊不屈死 采訪冊

江光俊江明藻合肥人均於咸豐七年禦賊殉難又儒

士劉濤遇捻匪不屈遇害 采訪冊

高崇禮高崇智高崇敏合肥人咸豐七年賊至崇智崇敏同被賊戕死賊退後兄崇禮回視仰天歎曰生亦何榮遂自縊死冊 采訪

吳學康合肥人父出遊康至江南尋父不遇投營辦事保舉九品職銜咸豐七年賊破常熟縣城遇害冊 采訪

孔憲樂合肥人武生咸豐七年粵匪復竄三河擾害不堪罵賊而死冊 采訪

馬某翁合肥人居西鄉咸豐七年賊至率子九人與鬪不勝均被殺冊 采訪

王兆椿合肥人投効壽春鎮營咸豐七年在桐城南門外陣亡冊 采訪

續修廬州府志

卷三十六

忠義傳一

三十一

孫鳳詔合肥人咸豐七年賊至因母年老不忍遠離母子同時遇害冊 采訪

夏炳望合肥人咸豐七年隨營在桐城縣禦賊賊至營潰遂殉難冊 采訪

劉志和楊先璞合肥人均在營効力於咸豐七年陣亡又黃國志賊至與鬪寡不敵衆遂遇害冊 采訪

夏士賢合肥人咸豐七年被賊擄怒罵不絕死於非刑冊 采訪

汪江合肥人甯國府城守營千總咸豐七年賊陷城陣亡冊 采訪

溫朝廂合肥人隨營防堵無爲州咸豐七年陣亡又張

嘉瑞從戎是年陣亡

采訪冊

韓榮典韓宗元韓長元韓楨合肥人俱從李元華營咸

豐七年勦賊無爲州陣亡

采訪冊

朱從明合肥人充鄉團隊長咸豐七年賊至衆駭散從

明獨不避遇賊被害

采訪冊

周學易合肥人六品軍功咸豐三年髮逆入境起鄉兵

千餘人拒賊賊大敗七年賊又入境與賊戰陣亡

采訪冊

王傳樸字兆元合肥人咸豐七年賊執不屈被刺死

采訪冊

蕭昌敬合肥人藍翎從九居官亭鎮咸豐七年禦賊受

重傷死將死猶大呼殺賊

通志采訪冊

馬祖澄合肥人咸豐七年從征粵逆於巢縣東關賊暴

至兵潰與賊拒爲賊獲不屈被殺又有吳大元被賊擄

去勸降不從遇害

采訪冊

張之琬合肥人文童咸豐七年三月初四日被賊擄不

肯屈從自投水死時年六十三

采訪冊

許道奎合肥人以醫從軍駐營桐城咸豐七年春賊攻

營道奎與弟道宏姪文治出力死戰營破被擒不屈均

遇害

采訪冊

董蘭生合肥人監生咸豐七年三月賊由舒竄至董家

崗蘭生集練堵之賊騎稍卻越日賊隊大至衆寡不敵

蘭生及其子汝楨俱被執不屈同日遇害蘭生媳許氏

亦自縊采訪冊

董於聲董於孝均合肥人咸豐七年三月初七日賊踞董家崗沿村擄掠於聲於孝與其姪汝秉俱被執不屈同時遇害采訪冊

顏炳文合肥人監生咸豐二年緝匪三人解省安慶陷匪自獄中逸出從賊七年春賊至派河匪糾領多人至其家炳文見之知不免大罵曰賊子猶未死耶遂遇害采訪冊

陳國綸合肥人膽力過人咸豐七年隨鄭魁士每戰必先登在東壩陣亡采訪冊

劉輔周許萬明俱合肥人咸豐七年禦捻逆於西鄉戰

續修廬州府志

卷三十六

忠義傳一

三十二

死通志

張昺江光友江宗孜董汝騫俞殿安俞得安俞安岫商邦富夏永球夏尊霞俱合肥人咸豐七年在董家崗集

練禦賊殉難通志

劉方沂合肥人咸豐七年攻無爲州陣亡通志

張之茂字蘿村合肥人早入庠序官泗州學正甯國教授咸豐三年當事檄辦團之茂偕其弟守禦所千總之芹倡捐以給練費又與弟貢生之蘊監生之薰捐米三千石弟衛千總鎔捐米二千石銀千兩於東七里地方賑貧乏輯丁壯居民安堵練衆亦各齊心四年之茂又同弟鎔之蘊之純變產田四百頃捐銀一萬兩助餉巡

撫福濟奏請給獎八年賊陷城之芹詣梁園官營請兵
之茂募勇未集賊突至其里之茂之薰禦於唐家庵均
陣亡從死者有從九張士吉李步華事聞得

旨卹雲騎尉世職之芹子衛千總瀚在里遇害之芹請兵歸已
不及發憤死又有監生張之蔭於咸豐三年捐米八百
石其弟監生之苞捐米三百石監生孫有誠亦捐米二
百石設卡真官祠詰姦助防六年又以歲祲知府馬新
貽勸捐出銀二百兩張鎔亦捐二百兩八年之蔭偕子
監生士恒均遇害鎔及子千總鎮垣遇害於梅子山

冊

采訪

張紹堪合肥人天性忠勇明大義咸豐三年刑部郎中

續修廬州府志

卷三十六

忠義傳一

三十四

李文安督辦鄉團紹堪出米數百斛贍軍得議敘從九
品八年廬城又陷與文安子鶴章約特立一軍以勦賊
事未就而賊至紹堪率傭僕數人赴麻城寺河北齊丁
壯未渡賊追及傭僕星散紹堪以短刀接戰力竭被斫
數十刃而死事聞

賜卹如例

冊 采訪

郭茂林合肥人監生成豐八年城再陷七月中賊由店
埠攻梁園遇賊逼脅與之格拒被害已請 旌卹

冊 采訪

王愷合肥人監生成豐八年賊至梅子山大肆擄掠愷
糾壯士數十極力抵禦賊衆不敵被害已請 旌卹

冊

采訪

周邦福字澤華合肥人監生捐貲辦練禦賊咸豐八年七月城再陷被執受傷投水死已請 旌卹冊 採訪

蘇開生合肥人衛守備銜咸豐八年城陷帶練禦賊於店埠鎮身受重傷而死已請 旌卹通志 採訪冊

蔡德元合肥人監生咸豐八年城陷與五弟德和及妻沈氏四弟婦胡氏長媳李氏次媳沈氏一家六口同死

於難已請 旌卹冊 採訪

闕從祖字崇德合肥人與弟慰祖字崇修同帶練勇咸豐八年七月賊至北山口兄弟率族人練丁戰敗同被

害通志 採訪冊

史秉源號靜初合肥人文童素性剛直咸豐八年在小

續修廬州府志

卷三十六

忠義傳一

三十五

峴山遇賊逼降不從被殺子德明德耀女一同殉難通志

冊 採訪

汪立根字盤庵合肥人從九品咸豐八年十月以紳士

承李續賓諭攔河築壩期阻上流以便進勦三河援賊

掩至被執遇害冊 採訪

王恒敬王與齡王灼林王國俊王兆璧俱合肥人咸豐八年七月十七日賊至東鄉齊心率練禦賊衆寡不敵

同殉難均已請 旌冊 採訪

李香廷合肥人舉人署鳳陽府學官咸豐八年廬鳳道

黃令回廬境探察軍情值賊陷城捻匪繼至香廷在北鄉激勵鄉練禦賊被銃傷死幼女二及姪孫女同時赴

水死已請 旌卹 采訪冊

宰福昌合肥人武童咸豐八年七月賊至撮鎮昌偕妻萬氏弟福康扶祖母余氏避亂途遇賊傷其祖母昌罵之亦被殺福康及萬氏見昌與祖母均被害同聲罵賊投水死均已 旌 通志采訪冊

梁悅菴合肥人監生咸豐八年秋賊至脅之降悅菴罵曰死賊吾世家子豈爲爾用者殺卽殺耳賊怒竟殺之已請 旌卹 采訪冊

黃克嶷合肥人文生咸豐八年七月賊往北鄉擄掠克嶷遇於鄭家小店持械擊賊不敵被害已請 旌卹 采訪冊

續修廬州府志

卷三十六

忠義傳一

三十六

唐會衢字少伯合肥人六品銜儘先卽用教諭咸豐三年春省城失陷衢倡義起練保衛桑梓八年七月城再陷賊大掠東鄉被執不屈死子士珍同日殉難同治三年奉

旨卹予雲騎尉子士國襲職 通志采訪冊

龔照普合肥人文生咸豐八年城陷賊掠西鄉普奉母逃避備極艱苦一日爲賊衝散歸尋其母不見泣向家人曰吾所以不死者爲老母在也今不見母何生爲遂自縊死已請 旌卹 采訪冊

龔詠合肥人廩生家素豐咸豐三年城陷詠有從弟作楫貧而好義集鄉練以靖不軌詠竭貲助之一方賴以

安八年城再陷詠謀起義旅以衛鄉閭不克濟絕粒而死已請 旌卹

通志采訪册

張孚中合肥人監生與喬松坪稱莫逆交咸豐八年賊陷城孚中與松坪同巷戰松坪被害孚中亦被殺子未及冠同遇害已請 旌

采訪册

徐學浩合肥人把總咸豐八年禦捻陣亡於同治十年得 旌卹

通志

葉士達合肥人從九咸豐八年廬城再陷與同時守城之監生周邦福吳光日及從九李衡鈞萬春生俱各帶勇禦賊陣亡或受傷死都司蘇世常寄居和州亦於是年禦賊在蘇家堡陣亡已請 旌卹

通志

王永餘合肥人咸豐八年秋賊忽至永餘與妻費氏女桂英媳余氏楊氏並投河死次子兆雲同時被擄旋逃回檢明骸骨葬畢投唐營効力誓殺賊報仇每戰必先歷保花翎守備同治六年正月十五日從唐殿魁在湖北尹澧河陣亡直督李鴻章奏請給雲騎尉世職

采訪册

劉華省字仙踪合肥人道光庚子科舉人署鳳陽府學教諭咸豐八年請假歸里因賊警辦團練禦賊會郡城陷賊大至率練勇迎戰勢不能支赴水死其子利賓與從兄監生調元堂姪武生錦標從九錦榮從九煦亭從

九鍾璜

通志作黃

文童受全文童善述文童善

通志作慎

思等倡

義集鄉兵討賊同治元年官軍進攻廬州利賓等首先

助勦偪城而壘賊先撲營營陷利賓等皆死凡百數十人時有凌建中與利賓同舉義衆潰獨戰賊攢刺之遂遇害均已請 旌卹

采訪冊

程宗洛合肥人文生成豐八年七月十二日賊至城下帶練抵禦十五日城陷遇害子存禮媳虞氏俱死之從九品程惟寅妻劉氏程存本妻汪氏程存智妻韋氏程惟忠妻褚氏監生程耀邦程惟慷程玉寶同時遇害一門殉難十四人均已請 旌卹

通志采訪冊

余思榛合肥人文童忠宣之後舉人榜之子成豐八年城再陷被賊執會其昆弟監生國楨奉浙江藩司李續寶密諭入廬城內應與思榛謀約期開門迎官軍復城

續修廬州府志

卷三十六

忠義傳一

三十八

期定而三河軍敗事洩賊殺思榛竿其首於市以思榛首謀也國楨亦被害已 旌

采訪冊兩江忠義錄

黃亨字子會合肥人候選從九品事母孝性豪爽有膽略咸豐八年賊將至母老不肯遠避家人苦勸亨逃慨然曰舍老母而逃生不孝孰甚焉縱得生亦天地所不容親友所不齒不如倡義守城城能保俱無恙也家人跪哀之揮之不顧率衆登城城陷罵賊被殺得

旨旌卹子文德江蘇卽補通判

采訪冊

王贊襄合肥人武童咸豐八年七月賊至撮鎮贊襄令妻子逃走急率鄉練抵禦被賊戳傷死已請 旌卹

通志

采訪冊

史德春合肥人文生秉彝子咸豐八年扶母並幼子避亂於東北鄉賊大至德春負母逃母虞氏不可謂春日負則不能急行是兩斃也赴水死春與女守其尸賊迫至亦赴水死已請 旌冊 采訪

王象海合肥人十歲時侍母居城內咸豐八年城陷象海適至外家聞亂歸其家已爲賊據鄰嫗謂之曰汝母已出城象海曰吾母幸有兄侍吾不生矣因投白鶴觀井死又有劉錦映年十歲城陷時賊誘之去誓不從乘間赴水死均已請 旌冊 采訪

何之瓚合肥人文童咸豐八年二月隨總兵惠至和州三月二十五日城陷受重傷不屈投井死已請 旌冊

續修廬州府志

卷三十六

忠義傳一

三十九

采訪冊

宋士猷合肥人藍翎六品銜世居墓店咸豐三年廬城失陷倡義禦賊時編修李鴻章督辦團練士猷隨帶練勇禦賊柘臯東關巢湖等處八年七月廬城再陷士猷集練迎擊見大股繼至揮刀血戰自寅至辰身帶數傷遂遇害其姪文藻在傍殲數賊亦同遇害事聞

恩賜雲騎尉世職

通志采訪冊

沙文楠合肥人業儒咸豐五年以內應復城功給六品八年間隨前署撫李孟羣營帶練殺賊被擒不屈遇害

已請 旌冊 采訪

沈廣策字亦符合肥人廩貢生候選訓導性情高潔爲

文力追先正十六人泮旋食餼鄉闈五薦不售咸豐三年廬城失陷江忠源殉難策爲文以弔之並爲立傳嗣應布政使江忠濬聘入幕八年三月間在昭關殉難得旨優卹追贈國子監學錄銜世襲雲騎尉

通志
採訪冊

李康提號西台合肥人庠生成豐八年賊至督戰罵賊遇害奉

旨卹予雲騎尉世職又有從九品丁慕唐及子文生丁樹仁均於咸豐八年七月十五日城陷帶練禦賊同時陣亡

採訪冊

吳毓蘅字香臯合肥人郡廩生成豐八年粵逆再陷廬郡率鄉兵阻三汊河奮力拒戰創甚投水死越七日河

續修廬州府志

卷三十六

忠義傳一

四十

千居民楊江宏見一尸直立不仆推使順流去明晨復見立故處駭而出之身有七創卽毓蘅忠骨也村人羣驚爲神事聞奉

旨卹予雲騎尉世職

通志
採訪冊

徐良器合肥人幼讀書歲旱食不給人營自力咸豐八年賊圍城將陷同事者預商曰餉竭兵單戰必不克當各自爲計良器正色卻之明日賊入城衆勸速脫戎衣良器厲聲曰吾志決矣脫胡爲與賊力戰死

採訪冊

葉士達合肥人從九咸豐八年帶練城陷遇賊被害已

請 旌卹

採訪冊

張慶濤合肥人監生成豐八年帶練守城城陷被執不

屈遇害已請 旌卹冊 采訪

譚本源合肥人從九咸豐八年城陷遇賊不屈死節已

請 旌卹冊 采訪

許樹德合肥人監生咸豐八年帶練守城城陷殉難已

請 旌卹冊 采訪

李桂攀合肥人咸豐八年賊入城被執不屈遇害繼室

蔡氏攜其女亦投井死已請 旌卹冊 采訪

范儲金王近仁皆合肥人監生咸豐八年同被賊執不

屈罵賊被害已請 旌卹冊 采訪

霍敏合肥人文生成豐八年奉憲諭辦團練賊大股至

帶練守禦北門城陷罵賊遇害已請 旌卹冊 采訪

續修廬州府志

卷三十六

忠義傳一

四十一

魏文謨沙溥合肥人均文生於咸豐八年罵賊不屈遇

害已請 旌卹冊 采訪

郭濟川合肥人文生成豐八年遇賊脅不從被害子文

茂監生年十九同時與難已請 旌卹冊 采訪

沙文楸合肥人文生成豐八年城陷避亂中途遇賊脅

降不屈被害已 旌冊 采訪

郭寅文生年八十餘周廷璋文生年七十餘合肥人咸

豐八年賊至店埠均被脅不屈死已 旌通志 采訪冊

劉守訓合肥人文生成豐八年避亂遇賊脅降不屈死

已 旌冊 采訪

唐春衢合肥人文生成豐八年城陷賊脅不從被害又

文生阮桂昌賊掠北鄉被執不屈遇害均已請 旌卹

通志
采訪册

郭紹馨合肥人文生咸豐八年賊至店埠被執不從死

之已 旌 采訪册

王匯源合肥人從九咸豐八年賊擄東鄉被執不屈遇

害已 旌 采訪册

魯耀禮合肥人從九集練禦賊咸豐八年城陷投水死

已請 旌卹 采訪册

劉照樓蔡邦安合肥人均從九於咸豐八年罵賊被害

已 旌 采訪册

宋存信合肥人從九咸豐八年賊至被執不屈遇害其

續修廬州府志

卷三十六

忠義傳一

四十一

妻施氏子大培年十五女年十六皆自縊死已請 旌

卹 采訪册

范雲龍合肥人武生咸豐八年帶練禦賊力竭罵賊被

害已 旌 采訪册

徐嘉謨合肥人耆民咸豐八年賊入城被執不屈遇害

已請 旌卹 采訪册

程存善合肥人咸豐八年城陷遇害其妻朱氏亦自縊

死已 旌 采訪册

胡玉珂合肥人咸豐八年城陷被執不屈罵賊遇害年

十七已 旌 采訪册

郭道綸郭紹志王邦俊童兆第劉澤廣俱合肥人咸豐

八年被賊執脅降大罵不從遂同殉難均已 旌卹采訪

郭道林合肥人咸豐八年遇賊脅降不屈被害其繼室

崔氏投水死已 旌采訪

巫錦舒巫延壽俱合肥人同心禦賊咸豐八年均被害

已請 旌卹采訪

王廣協王廣才皆合肥人咸豐八年遇賊同聲罵之被

害已 旌采訪

沈廣明合肥人帶練守城咸豐八年城陷殉難已 旌

采訪

完敬修合肥人六品軍功起練保衛鄉閭咸豐八年賊

續修廬州府志

卷三十六

忠義傳一

四十二

大至遇害已 旌采訪

宋繼政合肥人咸豐八年遇賊逼令牽驢不從被殺又

劉邦直遇賊於宗陽圩逼脅不從大罵投河死均已

旌卹采訪

龔占先合肥人廬州營兵咸豐八年隨總鎮余成蛟禦

賊力戰陣亡已 旌采訪

王應鏞合肥人咸豐八年城陷罵賊被亂刃死已 旌

采訪

高魁元合肥人咸豐八年帶練巡城城陷被執不屈而

死已 旌采訪

程學顯吳熊飛劉玉堂合肥人均文童於咸豐八年被

執不屈罵賊殉難俱已 旌卹采訪冊

鄭鸞雛合肥人咸豐八年城陷與其妻劉氏皆死之已

請 旌卹采訪冊

黃蕙蓀合肥人文童咸豐八年賊掠東鄉被執不屈遇

害已請 旌卹采訪冊

趙志福宰兆熊李象元俱合肥人於咸豐八年被執不

屈同時遇害已 旌采訪冊

張立楨張立禮張立信張應貴俱合肥人咸豐八年賊

脅之不屈被害已 旌采訪冊

吳金元合肥人咸豐八年被執不屈遇害其子德慶見

父死以手擊賊亦遇害已 旌采訪冊

續修廬州府志

卷三十六

忠義傳一

四十四

趙鳴鐸合肥人咸豐八年捻匪大至鳴鐸集練禦賊衆

潰被執不屈遇害已 旌通志采訪冊

李華佩合肥人年七十咸豐八年賊至大罵不屈遇害

又王尚彬城陷與子德沛同時被害均已 旌卹采訪冊

蔡慶堂合肥人咸豐八年城陷率練抵禦不敵被執不

屈殉難已請 旌卹采訪冊

郭澤廉字讓泉合肥人監生成豐八年城陷遇賊逼降

罵不絕口刃傷徧體登時殞命已 旌並崇祀昭忠祠

采訪冊

劉金言合肥人五品銜隨守將瑞守城咸豐八年城陷

陣亡已 旌采訪冊

陳嵩陽合肥人從九咸豐八年與子維章維功維翰維情維業孫熙堯闔家十餘口罵賊同被殺已 旌通志采訪

冊

宋榮椿合肥人武生咸豐八年帶練守南門城陷力戰受傷率妻女投井殉難已 旌采訪冊

郭文莢合肥人從九咸豐八年賊至店埠被執不屈死之妻凌氏避亂母家聞夫被害投水而死已 旌采訪冊

虞健翹合肥人從九品奉署撫李孟羣札督辦團練並助軍米二千五百石咸豐八年復隨總兵蕭督練禦賊不敵捐軀得卹雲騎尉采訪冊

劉福恒合肥人居梁園負勇名咸豐八年秋大股賊犯

續修廬州府志

卷三十六

忠義傳一

四十五

梁園福恒適他出已聞其父被執急向賊請以己易賊釋其父而羈福恒越二日逸出與其儕痛飲約共擊賊日有斬獲尋受重傷數日殞命已請 旌卹采訪冊

闕功進合肥人性至孝咸豐八年秋賊至東鄉功進挈家避山中因其母季氏在後未至即往迎之途遇賊負母避破屋中賊跡之功進左右其母遂同死刃下妻季氏聞知亦投繯死已請 旌卹采訪冊

胡訓恒合肥人咸豐八年城陷被害孀嫂陳氏投水死其兩姪春孜廣孜年皆幼見叔被殺母投水亦攜手赴

水死已請 旌采訪冊

蔡文煥合肥人武生咸豐六年投効安徽營充哨官管

帶撫標雄勇八年改帶壽春鎮標凱勇營并幫辦營務
以功保藍翎外委秋賊犯廬州逼近南門十三里廟文
煥奉派獨領七成隊出城迎擊殺賊多名旋以援兵不
至力竭陣亡

采訪
冊

王宗瑤字廷齋合肥人文童咸豐八年十月賊踞守三
河浙藩李續賓兵至三河以河水甚大兵勇難進遂命
紳士作壩宗瑤奉示將豐樂河鎮傍監築大壩俾三河
之水斷流兵勇便於攻戰轉瞬間三河城外匪營盡滅
不意援賊黑夜至瑤在局辦公被擒遂殉難

采訪
冊

王尚科合肥人課蒙爲業咸豐八年賊竄花子岡尚科
母方臥病謂媳李氏曰爾夫適館未歸爾可速抱女出

城母以我爲念李氏哭曰棄姑避難有何面目見夫耶
是不敢從時尚科館東鄉聞信馳歸以母病重不能行
次日城陷負母偕妻女出東門遇賊賊使舍母肩物尚
科不屈身受十數刃死妻李氏與女同被害

采訪
冊

魯雲鵬號愛堂合肥人監生勇於任事咸豐三年賊圍
廬州城巡撫江忠源許紳士登城雲鵬時辦東門團練
與其弟武生雲章上城助守出力巡撫疏中謂自粵湘
鄂豫帶勇以來未見有如廬州團練之認真打仗衆志
成城者爲雲鵬及助守諸紳士發也五年巡撫福濟提
督和春統兵圍城雲鵬時陷城中與同志廩生王南金
武舉沈廣慶張蘭清虞士毅鮑汝霖張灼等謀內應以

白布纏頭爲號官兵猶遲疑編修李鴻章時在大營爲請於巡撫促諸將進及期提督鄭魁士以兵至紳民內應者千餘人開門延官兵入城虞嘉誥執戈鬪於四牌樓被殺城復敘功雲鵬以府知事用賞藍翎廣慶得花翎守備蘭清士毅得六品軍功汝霖灼給八品軍功大吏並以紳民內應功奏請旋奉

特旨加學額三名合肥人士好義之名聞遠近七年秋雲鵬復以集練助勦獲勝保六品銜以府經縣丞儘先選用八年秋賊復陷郡城自西北門入雲鵬時守南門猶與弟雲章力戰死之其母甯氏投井死一門遇害僅遺幼子一人得免同時守城死者張蘭清張灼鮑汝霖手刃數

賊被殺於城隍廟街其長女適葉次女適羅同投井死節士毅奔入家偕妻趙氏投井死弟士廉罵賊被殺賊銜五年內應事士民多慘死者從九陳宏烈王鳳槐劉金鑑同戰死南金字子顧通志據和春福濟疏所謂紳民王子顧等糾集難民爲內應卽南金之字也爲人慷慨有權略咸豐五年邑紳魯雲鵬倡內應南金往來聯絡衆志齊壹及官兵將至城門洞開先鋒營弁余騰蛟等逡巡不敢入編修李鴻章促之曰不速入賊一閉城城中士民無噍類矣衆然後敢入斯時白布執械者盈城賊驚亂又見兵勇入城遂啟德勝門出走城以復敘功保藍翎訓導旋因家貧就館於外現年七十餘猶課

徒不倦通志采訪冊

張鳳鳴合肥人好義疏財咸豐三年倡捐錢二百千米二百石以作團練費巡撫江忠源嘉之令守時雍門五年秋九月和春鄭魁士二帥督兵外攻鳳鳴與沈廣元內應城遂復給文品頂戴令督理城垣八年秋賊復踞城鳳鳴方募練勇遇賊大罵被害年五十八子書本同殉難采訪冊

蔡文會合肥人幼讀書深明大義咸豐八年賊陷郡城被賊執令負械行至六合三衛橋文會罵賊棄械於地遂遇害妻李氏勤苦持家撫諸子成立兼好施予鄉里稱賢采訪冊

續修廬州府志

卷三十六

忠義傳一

四十八

彭芸青合肥人文生咸豐三年賊圍城芸青黑夜緣城而入面請巡撫江忠源給諭往鄉起練未幾城陷八年隨營東壩陣亡采訪冊

陳華昌合肥人素行質直咸豐八年賊至守村堡賊在四鄰放火輒趨救之卒爲賊殺采訪冊

胡國泰字階平合肥人武生殉難騰高之胞弟咸豐八年賊陷城帶練禦賊死之采訪冊

李曙升合肥人雅好詩書鄰里有疑難事必排解之嘗曰人生惟孝友庶可卜終身咸豐八年七月粵匪陷廬城曙升同母在城令之去不忍遇害采訪冊

陳國佳合肥人及其子思齊思聰咸豐八年隨余長林

攻潛山踞賊被礮傷同死采訪冊

郭家球合肥人贈武德佐騎尉爲人謹厚鄉里推重屢充練長咸豐八年七月粵匪破店埠鎮罵賊遇害年六十四又有監生黃國明年七十一因辦鄉練被賊搜出札文遂被害采訪冊

吳德慶字星齋合肥人能文咸豐八年隨父敬業遇賊德慶護父斷二指父死罵賊勸降不可擊其齒噴血猶大罵之遂遇害嘗作殉難辭哀三年之死難者有云諸君臨大節忠貞貫日月我何忍須臾高堂有白髮見者咸知其死志預定矣采訪冊

彭公善合肥人爲安慶練長禦賊時有緝獲及咸豐八

年七月城復陷善復思起練未及旋殉難年七十同時有孔廣德同母王氏妻王氏殉難費萬同胞弟萬龍賊入境以父老病侍不忍離均被害采訪冊

周香合肥人年七十餘氣力雄壯以帶練得六品咸豐八年賊陷城焚擄香領練迎敵被殺尸被焚又趙鑑亦帶練殉難其媳衛氏遇害采訪冊

李茂生合肥人穎異力學以家貧爲催科吏廉平守法鄉里稱爲長者後援例縣丞遇有善舉必力任之始終毋懈咸豐八年郡城再陷茂生罵賊被殺時年七十八

歲采訪冊

黃承堅黃瑞瑩林楚材與楚均羅元黃承祖葉長華俱

合肥人咸豐八年髮逆陷城均全家遇害志通

朱承志合肥人咸豐八年隨征三河奮勇當先力戰陣

亡册 采訪

劉廷選方明文樊永年合肥人均於咸豐八年勦賊陣

亡册 采訪

費士發合肥人投營保藍翎把總咸豐八年在壽州勦

賊中礮捐軀册 采訪

倪司鏞合肥人咸豐八年同子錫惠殉難又文童馬祖

興在桃鎮遇賊被害册 采訪

趙宗盟合肥人咸豐八年禦捻逆於桃鎮被殺册 采訪

褚渭濱合肥人六品頂戴咸豐八年奉縣委辦西鄉團

續修廬州府志

卷三十六

忠義傳一

五十

練陣亡册 采訪

虞士全字鼎臣合肥人文生乃嘉誥之三子咸豐八年

城陷殉難册 采訪

虞士表字道源合肥人咸豐八年率長子維坤同時殉

難册 采訪

黃錫樂合肥人監生咸豐八年率其繼室王氏同時殉

難册 采訪

虞大年合肥人咸豐八年在全椒大墅街遇賊不屈而

死册 采訪

戴毓普合肥人咸豐八年城破與其子汝璠汝璵罵賊

不屈同日殉難册 采訪

王永和合肥人咸豐八年城陷同妻劉氏罵賊均被害
冊 采訪

季長剛何汝松合肥人咸豐八年均被賊執不屈大罵
被殺
冊 采訪

陳天華合肥人咸豐八年賊入村罵賊被戳死
冊 采訪

黃調佐字芸亭合肥人與王發玉及文生龔雨亭字潤
生者均於咸豐八年城陷罵賊殉難
冊 采訪

李錦榮合肥人副貢生潔之子咸豐八年城陷被執不
從遇害
冊 采訪

李春煦合肥人六品銜從九咸豐八年隨營解卷馳赴
定遠遇賊死之
冊 采訪

續修廬州府志

卷三十六

忠義傳一

五十一

劉佩合肥人咸豐八年罵賊死之子邦柱同時被害
冊 采訪

宣式江合肥人咸豐八年賊至其父被擄持械救父被
害
冊 采訪

宋文藻合肥人咸豐八年廬城再陷奮力血戰陣亡又
孫新玉遇賊不屈賊殺之并焚其尸
冊 采訪

王世明合肥人咸豐八年遇賊不屈見殺其弟世進同
時殉難
冊 采訪

王典政合肥人咸豐八年賊破廬郡掠於鄉典政父年
九十餘居家不能行典政回家省父遇賊殉難
冊 采訪

張德林合肥人咸豐八年督辦團練不畏險阻遇賊殉

難又周紹禮賊入門罵不絕口遂遇害采訪冊

陳秀實號茂林合肥人咸豐八年遇賊不屈殉難采訪冊

王庭碩陳泰來合肥人均於咸豐八年罵賊不屈被害

采訪冊

李元慶合肥人五品軍功咸豐八年從營出戰築塘先

登陣亡采訪冊

李順元合肥人咸豐八年粵匪入境罵賊被害采訪冊

董國珍合肥人咸豐八年避亂於鄉賊至執鎗連傷二

賊衆賊紛來遂被害采訪冊

姚恩賢合肥人從九咸豐八年偕姪慶儀從營廬郡失

守恩賢持械與賊鬪勢漸不支慶儀振臂一呼躍進救

續修廬州府志

卷三十六

忠義傳一

五十一

助猶傷數賊卒以力竭遂同時被害采訪冊

宣仁欲合肥人咸豐八年賊至持械與鬪被賊殺之又

宣正位賊至以子病不忍去遇害采訪冊

溫向忠合肥人咸豐八年賊脅不從偕妻鄧氏俱被殺

采訪冊

袁恩普合肥人咸豐八年賊至其家被執不從殺死又

吳世康賊至執農器擊賊被殺采訪冊

吳家春顏燦章合肥人均於咸豐八年被擄不從死之

采訪冊

陳學詩合肥人咸豐八年賊入境同子憲章均不屈死

之采訪冊

陳家鳳合肥人咸豐八年帶練禦賊力戰陣亡冊 採訪

范永清合肥人武生帶練禦賊咸豐八年城陷力不敵

被斫死冊 採訪

陳忠烈合肥人咸豐八年賊至不屈同妻赴水死冊 採訪

溫向盛杜應田孫朝順施克禮周德泰俱合肥人咸豐

八年賊至被脅不屈賊怒殺之冊 採訪

費日長合肥人咸豐八年賊掠東鄉被執不屈死之子

登元同時殉難通志 採訪 冊

楊澍宋章貴袁明泰俱合肥人咸豐八年賊至被執不

屈同死冊 採訪

方道奎合肥人年六十咸豐八年賊掠東鄉被執不屈

續修廬州府志

卷三十六

忠義傳一

五十二

遇害冊 採訪

葛天才合肥人咸豐八年被賊執遇害長子大保亦殉

難冊 採訪

彭道煌宋文華合肥人咸豐八年均被賊執不屈見殺

冊 採訪

毛金福合肥人咸豐八年與鄉人拒賊被執不屈遇害

冊 採訪

虞嘉通志 作家輔合肥人文生隨提督鄭營司筆札咸豐八

年在桐城遇害通志 採訪 冊

朱春臺合肥人監生隨辦團練咸豐八年城陷與妻周

氏攜幼子同投河死又朱春陽六品軍功隨辦團練王

尚霖辦西門團練均以城破殉難冊 采訪

楊舒暢合肥人從九品咸豐八年賊陷城與子興邦興

猷一作興福興一作興常同時殉難冊 采訪

李文祥合肥人咸豐八年為賊所執脅降怒罵被殺又

何球城陷被執罵賊遇害冊 采訪

程鴻慶合肥人咸豐八年城陷與子中齡會齡五孜同

日遇害冊 采訪

李二孜李大朝合肥人俱充練丁咸豐八年城陷拒賊

遇害冊 采訪

張士元合肥人文生咸豐八年城陷正衣冠罵賊殉難

冊 采訪

續修廬州府志

卷三十六

忠義傳一

五十四

湯文魁合肥人咸豐八年城陷率眾殺賊十餘人力竭

殉難冊 采訪

張朝簪合肥人文童咸豐八年賊至大罵被殺又婁銀

漢婁雲漢均拒賊遇害臨死罵不絕口冊 采訪

胡兆儀合肥人咸豐八年城陷被賊執不屈遇害冊 采訪

王道坦合肥人侑生咸豐八年城陷與長子文童寶靈

同罵賊遇害冊 采訪

闕嘉謨闕學陶合肥人均監生成咸豐八年與闕懷永闕

譽廣闕功本闕元吉闕功輅擊賊不勝同時遇害冊 采訪

宋文江合肥人咸豐八年從馬營勦賊在含山縣陣亡

冊 采訪

方殿揚合肥人武舉咸豐八年賊至梁園迎戰身亡又從九李遂初年十九素嫻武略賊陷梁園率同志楊純德鄧小安管春迎等迎勦手刃數賊衆寡不敵同時殉

難

采訪冊

蔡光

通志作先

甲合肥人文生年八十一咸豐八年賊陷梁

園罵賊殉難

通志采訪冊

蔡家本合肥人咸豐八年賊陷梁園不屈攜幼女投河而死又蔡家配被賊擄脅不從遇害

采訪冊

梁爾瑚合肥人監生年八十一咸豐八年賊至梁園與梁作先同時罵賊殉難

采訪冊

李玉山合肥人咸豐八年隨營殺賊陣亡又有從九品

續修廬州府志

卷三十六

忠義傳一

五十五

蔡保光率練殺賊殉難

采訪冊

李義中劉榮華胡誠遠合肥人均於咸豐八年賊至大罵不屈與賊格鬪死

采訪冊

金文韶合肥人年十三咸豐八年賊脅之不從罵賊被

害

采訪冊

李承中合肥人咸豐八年從鄉團擊賊被執大罵遇害

采訪冊

李正紀字條生合肥人候選從九咸豐八年督練被執

罵賊賊以刃揮之罵愈厲遂遇害

采訪冊

李正魁字榜生合肥人候選從九乃節孝方宜人子咸

豐八年督練被獲以手格之力盡遇害

采訪冊

李華中合肥人孝子遵謨之子咸豐八年賊至梁園不
屈殉難冊 采訪

何先進合肥人賊至與弟先元同被擄賊欲攜其弟以
去先進跪泣曰吾弟尚無子願以身代賊乃釋先元而
拘先進先元行未遠迴顧先進已觸木死冊 采訪

蔡邦照合肥人文童幼嫻武勇年五十餘鄉間勇壯田
夫三五人莫能敵咸豐八年賊陷梁園攜眷男女十數
口避難小龍山傍賊蜂擁至脅從不屈率子家煜家瑜
姪家駿孫龍德龍圖龍元龍雛手刃數賊以衆寡不敵
一門殉難冊 采訪

蔡祥字小泉合肥人例貢生咸豐三年省垣失守祥倡

續修廬州府志

卷三十六

忠義傳一

五十六

義捐貲練團保衛賊陷梁園避難定遠縣協同團練晝
夜守堞八年城陷殉難通志 采訪冊

凌思發合肥人童生咸豐八年賊竄凌村起練擊賊被
害冊 采訪

余思銳合肥人年四十七咸豐八年糾練殺賊不敵遇
害冊 采訪

馮載揚合肥人年四十八咸豐八年賊擄不屈被害又
吳雙仁被擄奪刀相鬪不敵遇害冊 采訪

蔡邦蔚合肥人監生咸豐八年同蔡邦治虞鵬萬虞鵬
程被賊脅均不屈死冊 采訪

李襄廷合肥人鳳陽教諭咸豐八年避居北鄉捻匪至

不屈被殺采訪冊

姚慶來王邦興合肥人咸豐八年同帶練在撮鎮陣亡

通志采訪冊

虞韶美合肥人增生咸豐八年城復陷韶美起鄉團擊

賊被執不屈死采訪冊

譚麗生合肥人議敘八品咸豐八年城陷罵賊死又有

彭德春在張橋陣亡采訪冊

李謨禮馬春輝馬春發皆合肥人咸豐八年遇賊不屈

怒罵被害采訪冊

楊舒滿合肥人咸豐八年同弟舒綸姪興林又程縉偕

弟縉姪森城陷被賊脅不屈同時遇害采訪冊

續修廬州府志

卷三十六

忠義傳一

五十七

張之賢合肥人從九咸豐八年城陷同幼孫被害采訪冊

程莊合肥人咸豐八年城陷遇害其妻余氏子天敘媳

湯氏孫道源道純道平喬孜均死之采訪冊

沈大倫合肥人從九咸豐八年城陷遇害其妻方氏投

水死采訪冊

汪春元合肥人六品軍功與程增揚吳照壽程結成均

於咸豐八年同時力戰陣亡采訪冊

吳中林合肥人咸豐八年賊至陣亡妻盛氏亦被害又

文生湯誠學賊擾平橋罵賊遇害采訪冊

王以正余健春蔣楹皆合肥人咸豐八年隨練勦賊陣

亡采訪冊

黃錫信合肥人咸豐八年城陷與母程氏弟錫綬子治

鈞同日遇害通志采訪册

趙金盤合肥人咸豐八年城陷與妻魏氏媳吳氏子邦

演同日殉難通志采訪册

胡攀麟合肥人與妻董氏又汪海液與妻衛氏均於咸

豐八年遇害采訪册

柯永順合肥人咸豐八年賊至與子建邦姪定邦媳陳

氏孫鷺兒閉門不出俱遇害采訪册

楊正先合肥人咸豐八年賊至梁園與其子國武孫純

希曾孫元德均被脅不屈遇害采訪册

温邦泮合肥人咸豐八年賊陷城泮之兄弟邦直邦烈

均被賊害泮痛哭流涕誓為報仇未幾賊又至持械與

鬪被賊殺之采訪册

尚永純胡德球皆合肥人咸豐八年賊至被執罵賊遇

害采訪册

巫樹梓合肥人文生成豐八年罵賊死妻甯氏慟夫遇

難自縊長子承麟亦遇害通志采訪册

蔣龍標合肥人從九咸豐八年罵賊死又有宋世英同

時罵賊被害采訪册

蔡球合肥人年八十二歲咸豐八年賊令之跪不屈死

之采訪册

丁守璠合肥人侑生素尚氣節咸豐八年賊脅之行不

從遇害采訪冊

陳寬漢合肥人六品軍功咸豐八年城陷持械孤鬪而

死采訪冊

劉文安合肥人咸豐八年賊擄文安至二十里鋪勸降

安曰死亦不降被賊短刀斫死采訪冊

楊舒能合肥人從九咸豐八年與其兄滿長子興林團

練守北門城頭遇賊三人同時殉難采訪冊

王勳合肥人監生成豐八年在西門看守火藥局城陷

殉難采訪冊

程志和合肥人武生成豐八年調攻無爲之泥汊賊壘

力竭投河死通志

續修廬州府志

卷三十六

忠義傳二

五十九

李聲和號曉江合肥人弱冠膂力過人長益魁梧早入武庠仍折節讀書通大義咸豐間和春駐軍廬陽聲和上書言攻守及創造軍械和春給資俾造成利用未得獎而大營移去咸豐九年以軍事益亟趨定遠上書巡撫翁同書言守禦事同書韙之特保營千總督練兵守城聲和冒矢石晝夜防堵賊發地雷由他門入聲和握刃奮呼巷戰手斬十餘賊被傷墜城下猶口稱殺賊有部下老卒負之行至王回岡創甚卒土人憐而座之子正芳屢求父骸不獲臥雪地中泣號一晝夜有老嫗哀之示以座處得歸葬聲和以殉城卹給雲騎尉世職崇祀昭忠祠以子貴贈振威將軍通志采訪冊

余高升合肥人隸曾國荃開花礮營以功歷保花翎都司咸豐九年官軍圍攻金陵高升奮勇當先力竭陣亡
江督曾國藩奏請

賜卹祀昭忠祠

采訪冊

袁樸袁紹祖均合肥人咸豐九年七月間賊至高劉集樸等起鄉練迎敵於萬家橋衆潰被執遇害同時死者有劉珠劉柱劉安劉廣德吳桂生王沛階王以香王香林金有道同起練勇禦賊賊至爭先迎擊力不敵被害均請 旌卹 通志采訪冊
朱懷年合肥人藍翎把總咸豐九年隨統帥和春駐紮江南兵潰力戰而亡已請 旌卹 采訪冊

續修廬州府志

卷三十六

忠義傳一

六十

沈大訓合肥人咸豐九年隨定遠大營守禦遇賊被害已 旌 采訪冊

童道南童道貫合肥人咸豐九年督練西南鄉均遇賊被害已請 旌卹 通志

沙九齡字與三合肥人性孝友粵逆犯境倡練保衛鄉里並隨布政使李孟羣在長城鎮屢立戰功咸豐九年殉難得

旨卹予雲騎尉世襲同遇難者沙祖錫沙孔訓

采訪冊

劉長太字紹庭號理章合肥人從九品爲人公正咸豐三年會辦團練保衛地方八年冬布政使李孟羣率兵數千人駐紮圩傍諭辦米五百石子藥數千觔旋即捐

貨如數辦繳孟羣深獎之九年二月初八日賊大股由六安來攻大營並攻圩營長太率其兄弟子姪練丁竭力死拒相持至十五日三更被賊攻破長太身受重傷膝行至故母梁氏棺前罵賊不止賊縱火閤家均死難已 旌卹如例同時殉難者數十人守備梁志品奉孟羣委在圩帶領操練亦戰死

通志
采訪册

劉朝廷合肥人世居西鄉長城咸豐九年署巡撫李孟羣駐軍長城逆酋陳玉城大股來犯官軍潰散朝廷率合族二百餘人築圩禦賊力戰三日衆寡不敵遂與合族殉難僅存一子事平安徽巡撫奏請

賜卹雲騎尉世職子先標襲

采訪册

續修廬州府志

卷三十六

忠義傳一

六十一

王登鰲合肥人咸豐九年九月奉母完氏避亂於劉河灣賊至登鰲護母不去賊刃之不屈死母見子被害厲聲大罵亦被殺已請 旌

采訪册

李偉鵬合肥人讀書嫻勇略咸豐九年秋賊至肥東大掠鵬約諸少年迎擊之賊大至衆見不敵潰走鵬恃其勇擊賊益力賊攢刺之洞胸死已請 旌卹

通志
采訪册

張岫合肥人事母至孝樂善好施咸豐九年賊過境見其攜脅子女無數急帶練追賊被害已請 旌卹妻胡

氏矢志守節

通志
采訪册

沈春榮合肥人咸豐九年與妻葉氏均年邁遇賊同聲大罵被殺投尸於火

采訪册

周祥合肥人家貧力耕以養父母兄弟友愛每於農隙貿易遠方稍有盈餘輒分潤里中之孤貧者咸豐九年春協守胡姓民圩被獲不屈攢刺死賊復斷其脰而去

采訪
冊

李聲玳合肥人咸豐九年粵匪過境執其父聲玳情急奔救以身代父父歸已遂殞命

采訪
冊

胡德合肥人咸豐九年賊大隊犯境德聚鄰衆築堡堵禦與賊相拒七日夜殺賊數十人嗣因糧盡潛退賊追至被執不屈死之同時死者有戴鼎戴仰明王家昆偶

邦貞戴茂

采訪
冊

周開福合肥人咸豐九年賊大股過境開福聚子姪鄰

續修廬州府志

卷三十六

忠義傳一

六十一

衆守村村破賊執之脅行十餘里開福罵不絕口賊殺之其子殿榮不食而死

采訪
冊

文宗會合肥人參將銜儘先游擊咸豐九年在籍團練賊至與子家福同殉難又有史秉常及子聖五同在雞鳴橋遇賊被害其妻尉遲氏立志守節撫二子俱成立

現年七十餘

采訪
冊

周祖韶字梓軒合肥人縣學附生工書能文咸豐三年奉檄辦團禦賊有功九年春僞酋陳玉城自六安竄廬祖韶與族鄰守胡姓圩相持旬日糧盡援絕率男婦數

百人乘夜遁祖韶殿後賊追及力戰死

采訪
冊

馬天成字先傑合肥人縣丞銜咸豐初年屢助兵餉及

地方善舉性至孝事孀母能得歡心祖年高多病尤曲盡孝養爲人英爽善擊刺咸豐九年捻匪孫葵心竄合肥西鄉天成與之格鬪衆匪麤至遂爲所擒脅降不從匪怒殺之剖腹而死其時同死者七人采訪冊

衛汝倫合肥人投効安徽撫標營充當哨長因有戰功保藍翎千總並加五品銜咸豐九年隨副將馬昇平在定遠縣血戰殉難采訪冊

楊海鰲合肥人藍翎守備投効銳勇營咸豐九年駐紮定遠陣亡采訪冊

程維經合肥人投効曾國藩營保花翎都司咸豐九年

在定遠禦賊陣亡同時有楊志咸在營効力陣亡采訪冊

許兆熊合肥人知縣隨勝保營管理糧臺事務咸豐九年

在定遠縣遇賊被害采訪冊

鄔世臣合肥人文生咸豐九年困守定遠殉難采訪冊

徐佩綱合肥人藍翎千總咸豐九年隨廖營由東壩至甯國府營未紮定被賊踏破死之采訪冊

許濬川合肥人五品花翎咸豐九年在護城軍中陣亡采訪冊

袁家玉合肥人咸豐九年隨衆在袁店禦賊捐軀采訪冊

偶發衛合肥人秉性爽直咸豐九年髮逆至鄉擄掠不

與被賊戕斃采訪冊

戴春柏合肥人監生成豐九年在定遠禦賊被執勸降

不從罵賊被害冊 采訪

程學仕合肥人監生咸豐九年賊入村大罵被害又有

趙盛典被賊擄不屈遇害冊 采訪

陸廷愷合肥人咸豐九年賊至與姪正蒼被執不屈且

與鬪均被賊焚死冊 采訪

丁正祥合肥人咸豐九年從練禦賊被執不屈大罵至

死不變冊 采訪

沈耀祖合肥人咸豐九年被賊執勸降不從賊怒殺之

冊 采訪

杜恩培合肥人邑庠生咸豐九年粵匪過境蹂躪率鄉

人堵禦被殺冊 采訪

續修廬州府志

卷三十六

忠義傳一

六十四

文家成合肥人咸豐九年與其母黃氏在籍遇賊同日

殉難冊 采訪

文家珠合肥人咸豐九年同母楊氏子永兒康兒均遇

賊被害冊 采訪

袁明合肥人咸豐九年隨衆在余家大岡禦賊捐軀又

藍翎五品盛章巨程肇海徐義珠李大應解至安盛章

馨均在營陣亡冊 采訪

梁文藻合肥人六品軍功咸豐九年在滁州戰死冊 采訪

徐芝翠徐芝古合肥人與監生龔聯均於咸豐九年賊

脅不從被害冊 采訪

鄧守本合肥人咸豐九年隨圍金陵陣亡又有胡正華

袁正義王元均在西鄉禦賊陣亡采訪冊

余在朝合肥人卽選未入流咸豐九年苗逆陷壽州遇

害采訪冊

陶輝仁藍翎外委廖明長把總皆合肥人咸豐九年與

孔憲長解紹琪均克復三河陣亡通志采訪冊

凌本仁合肥人監生六品軍功咸豐九年督練於巢邑

炯煬鎮魯家橋一帶堵擊練潰被執罵賊遇害采訪冊

高肇琦合肥人藍翎五品練總咸豐九年在盧家店築

圩保衛賊大股過境率衆守禦賊衆環攻圩破一門殉

難采訪冊

李正榮字茂生合肥人候選從九事親篤孝鄉人稱之

續修廬州府志

卷三十六

忠義傳一

六十五

咸豐九年賊陷梁園因父病不離左右賊脅之去泣告

弗許從行十餘里奪刀刺賊遂遇害采訪冊

王秉德合肥人避亂岳圩賊攻岳圩誘出勸降不屈賊

殺之又監生趙建炎於咸豐九年定遠陷時遇害采訪冊

盛秉清張朝選俱合肥人咸豐九年從征江南陣亡通志

張裕德張時元俱合肥人咸豐九年在明光店陣亡通志

趙對澂字野航合肥人廩貢生工詩善詞曲與從姪席

珍從孫彥倫相唱和一門風雅厯官亳州和州池州學

官補廣德學正咸豐十年十二月廣德城陷殉難得卹

雲騎尉世職對澂著有小羅浮仙館詩集野航十三種

采訪冊

趙松秀合肥人文生成豐十年賊往東鄉大掠松秀寄
居大興莊賊至其家被執大罵不屈死已 旌卹采訪冊

龔聯俊合肥人監生成豐十年賊隊過境中途遇賊脅
與俱去不從且大罵遂被害已 旌采訪冊

楊福保合肥人千總咸豐十年在常州帶勇禦賊陣亡
同治九年

恩卹銀兩世襲雲騎尉通志

周盛武合肥人咸豐初倡辦團練積功洊保副將加總
兵銜咸豐十年甯國府失守陣亡奉

旨照例優卹同治八年准於原籍建立專祠妻陶氏附祀通志引李

鴻章奏案 按采訪冊作同治四年五月由邳州往
雒河以照應首尾隊伍坐小船遂巡失足落水而亡

續修廬州府志

卷三十六

忠義傳一

六十六

費士志合肥人咸豐八年投營保藍翎把總十年在金
陵力戰陣亡采訪冊

周尚義合肥人藍翎五品銜把總咸豐十年在營陣亡
采訪冊

楊應宇合肥人投効周營咸豐十年在浙江省堵禦陣
亡采訪冊

文家明合肥人五品藍翎儘先外委宗會次子咸豐十
年在甯國府軍營打仗陣亡采訪冊

李二陸節皆合肥人咸豐十年遇賊被執不屈均死之
采訪冊

孫朝佐合肥人咸豐十年與三子文楷同在丹陽遇害

冊 采訪

許得成合肥人花翎都司咸豐十年在江南秣陵關陣

亡 冊 采訪

崔曉德張立誠楊詡蔡紹英莊步端莊立禮徐金詔皆

合肥人於咸豐十年堵勦北捻陣亡 冊 采訪

宋道傳張兆賢皆合肥人咸豐十年從銘字營援臺灣

陣亡 冊 采訪

王邦新合肥人咸豐十年在梁園鎮遇賊不屈死 冊 采訪

梁榮達宋斗義合肥人均於咸豐十年擊賊被殺 冊 采訪

胡本志合肥人從軍効力咸豐九年保衛守備十年三

月中旬在甯國府洪甯橋與賊對壘死於戰陣 冊 采訪

續修廬州府志

卷三十六

忠義傳一

六十七

龔彥著合肥人候選府經歷率勇千人隨提督周天受

守甯國府咸豐十年八月城陷陣亡又有藍翎外委周

連陞隨征六合紅山窰陣亡妻沈氏守節 冊 采訪

虞瑞圖合肥人咸豐四年投効楚軍義勇營辦理文案

五年克復廬州給六品頂戴旋入廣勇營十年克復壽

州巡撫翁同書保以主簿駐紮定遠六月大股賊至衆

寡不敵與姪藍翎千總從先同時殉難又有哨長王懷

泉軍功楊春益楊春勝楊德均在甯國周營內陣亡 冊 采訪

冊

王尚典合肥人監生城陷奉母至壽州寓其姊夫孫家

泰家咸豐十一年九月苗逆破壽被獲炮烙數日身無

完膚而死附祀壽州昭忠祠

采訪册

趙對淵字鑑湖合肥人監生官浙江海甯衛千總升守備權嘉湖衛守備飛芻挽粟久著勤能咸豐十一年杭城陷偕妻嚴氏子玉衡王金長女同殉難已

旌卹

采訪册

董汝序字羹盤合肥人年八十七

恩賜粟帛咸豐十一年在其姪孫正勤軍中襄理軍務軍敗汝

序被執賊以其耄耄不殺汝序義不爲屈賊怒遂遇害

以孫正明貴封建威將軍

采訪册

梁蘭馨合肥人廩生素負鄉望集練禦賊甚著勞績咸豐十年夏賊由南北兩路至肥東蘭馨築堡禦之屢卻

續修廬州府志

卷三十六

忠義傳一

六十八

賊斬級無算十一年春復擊斬賊首狀天豫賊四路集黨攻陷各堡指名索諸首事者蘭馨在巢縣境遇賊被執不屈殉難已請

旌卹

采訪册

何履泰合肥人咸豐十一年被賊執罵之賊剖其腹死已請

旌卹

采訪册

江明開合肥人咸豐十一年逆匪大股過境起練抵禦被賊執剖腹碎尸而死已

旌

采訪册

周家興合肥人咸豐十一年在常州督團練勦賊陣亡已請

旌卹

通志

栗有成吳錫章周盛樂程恒樂合肥人咸豐十一年隨衆在上派河攻賊同時遇害

采訪册

胡訓誌合肥人監生咸豐十一年隨李元華辦團練踏營受傷隕命冊 采訪

李萬倉合肥人儒士年六十二咸豐十一年賊突入境見子孫被賊擄怒罵不絕口被賊長鎗刺死冊 采訪

侯家康字服周合肥人咸豐十一年被賊脅不屈賊怒殺之冊 采訪

黃先登合肥人廩生咸豐十一年集練擊賊戰敗被獲並子業乾同時遇害通志 采訪 冊

洪訓年合肥人年八十餘咸豐十一年賊至其家欲脅之痛罵不止被賊打死冊 采訪

郭澤湘字楚江合肥人咸豐十一年賊陷城時與妻沈

續修廬州府志

卷三十六

忠義傳一

六十九

氏攜幼子振淮振乾均投井死冊 采訪

應葉增合肥人咸豐十一年被賊擄脅不從殉難冊 采訪

張鳳林張鳳祥林宏先陳宗富曹殿發曹應宗沈大貴

畢懷銀高華董宗榜李道祥徐太和湯玉書高學廣倪

祥元鄭保書孫士祥方金曾李大名張立新管珏管中

和皆合肥人於咸豐十一年冬堵勦僞英逆大隊同時

陣亡冊 采訪

郭璜合肥人耆民咸豐十一年城陷同子華慶自縊死

冊 采訪

霍春斌范儲琛合肥人咸豐十一年城陷俱罵賊而死

冊 采訪

李文楷合肥人年七十四咸豐十一年通志作三年城陷率

男婦痛罵賊怒殺文楷妻羅氏長子向榮四子從九春

元孫邦泰長媳陳氏幼孫三人同時遇害通志采訪册

王接宗楊正元俱合肥人咸豐十一年賊至北鄉不屈

死采訪册

趙金鑾合肥人咸豐十一年通志作三年城陷與弟金齊姪

邦典孫字瓚均被害通志采訪册

張桐合肥人咸豐十一年通志作三年偕母殷氏妻王氏弟

承先承勳承恩耀先先婦宋氏子合孜姪文運文彬孫

女二孜城陷均遇害通志采訪册

秦冬太合肥人咸豐十一年城陷遇賊不屈死妻浦氏

續修廬州府志

卷三十六

忠義傳一

七十

賊逼不從罵愈甚賊以矛傷其腹奮身投水賊逸乃免

采訪册

王尚德合肥人從九咸豐十一年通志作三年城陷同兄尚

達弟尚義姪德華德新均遇害通志采訪册

韓學和合肥人八品銜咸豐十一年與弟學寬姪德珍

守城均受重傷城陷同遇害采訪册

董運樞合肥人咸豐十一年賊至董家岡被執不屈死

采訪册

衛守常合肥人五品花翎咸豐十一年同監生沙鳳臨

解志道隨勦桐城俱陣亡采訪册

姚慶開温國佩俱合肥人咸豐十一年隨軍攻克無為

州陣亡采訪冊

孫家貴合肥人都司咸豐十一年守涇邑力戰陣亡又五品藍翎孫文彬孫朝邦孫朝盛孫家才孫家義孫朝鐸皆隨營力戰陣亡采訪冊

夏宗盛合肥人咸豐十一年在桐城勦賊營破遇害采訪冊

張春發合肥人守備咸豐十一年攻含山在昭關陣亡又有丁巳調同時在昭關戰死采訪冊

盛朝壽合肥人咸豐十一年捻匪過境被執不屈遇害又有陸家爽賊脅不從死之采訪冊

李耀中合肥人咸豐十一年從練禦賊戰死采訪冊

續修廬州府志

卷三十六

忠義傳一

七十一

董光宇合肥人避賊徙家廬江南鄉咸豐十一年四月捻匪進踞金牛鎮沿村擄脅光宇被執不屈賊怒以戈刺之光宇復大罵身受十餘創死通志采訪冊

郭傳發合肥人藍翎千總素有膽識咸豐十一年隨衆在上派河攻賊遇害采訪冊

周宏興合肥人幼事詩書有志節咸豐十一年賊據三河城宏興集團練屢與戰九月初四日領練首先破敵被賊擒至三河城內誘降不從終日罵賊至初九日賊乃殺之碎其尸采訪冊

孔廣友合肥人秉性端方人皆畏服咸豐年間賊至鄉間焚毀關聖廟廣友阻之不可遂大罵之被害采訪冊

張士勤合肥人咸豐年間率兵百人戰死於桐城聞其弟士謨亦以練衆戰死於徐州府

采訪冊

張錫純合肥人文生又有從九品李曙初王恒掌吳三義監生趙金鐸蔡家謙吳琪蔡有倫周家彬王占陳志龍崔林華胡兆琛鬪慶明王萬選張榮全張步階張永和羅錦祥楊國初陳德豐王璧張士標楊國福韋朝幹羅國聚羅錦揚李志高張德昭蔡家雍楊國禎八品監生方業勤馬朝業藍翎把總費家禮段生成等俱於咸豐初協辦團練禦賊先後陣亡同治十一年奉

旨旌卹建立祠坊

通志

張鳳翔合肥人六品軍功儘先外委同治元年十月二

續修廬州府志

卷三十六

忠義傳一

七十一

十八日在巢縣勦賊陣亡彙奏請卹光緒三年奉

旨卹雲騎尉世職鳳翔無子以胞弟海洋兼襲

采訪冊

董正勤合肥人保副將同治元年冬守江蘇常熟縣城帶隊出城迎敵擊退蘇州援賊在常熟三愚橋地方血戰陣亡賊圍城十八日守城士卒甚少蘇杭大股悍賊屢次圍撲挖地道十三處轟倒城牆二十餘丈正勤妻彭氏在城屬夫弟正明領兵用木箱布袋盛泥築阻城始保蘇撫李鴻章奏聞奉

旨優卹議給卹銀六百兩給予雲騎尉世職入祀無錫惠泉山

昭忠祠

采訪冊

蔡良杰合肥人候選知縣淮軍委員同治元年在狼山

海面被戕殞命奉

旨加知府銜給雲騎尉世職采訪冊

王錫昌李洪俱合肥人充當淮勇同治元年在擱鼓山

同時陣亡已 旌采訪冊

孫極久合肥人咸豐二年幫辦里團援例從九品同治

元年隨樹軍赴滬勦賊在常熟無錫問力戰陣亡奉

旨從優議卹贈鹽運司知事銜給予雲騎尉世職通志采訪冊

何永茂合肥人同治元年賊脅不從被害已 旌采訪冊

汪金鑑合肥人都司同治元年從樹字營攻蘇州奮身

血戰身受重傷回營氣絕已 旌采訪冊

史明剛合肥人同治元年二月官軍進攻廬州明剛與

續修廬州府志 卷三十六 忠義傳一 七十二

監生劉利賓等倡義助勦築堡當賊賊撲之力戰不支

堡遂陷明剛及弟明浩明義明清堂弟明瑞明桂子景

運姪景通志作運 仙景壽景泰景全景生景紹通志作詔 堂姪景

香景順景元姪孫慶雲春玉玉保妻石氏姪媳薛氏一

門男女二十一人並工人韋忠書同日遇害已請 旌

卹通志采訪冊

甯嗣賢字竹齋合肥人從蘇撫李鴻章克復蘇常等處

歷保花翎游擊後攻湖州奮勇爭先衝入賊隊陣亡鴻

章奏請加參將銜給雲騎尉世職子玉麟襲又有徐邦

茂從銘字營歷戰得功保游擊同治初年戰於揚州陣

亡由大吏奏請

賜卹附祀劉公祠

采訪冊

夏長盛合肥人撫標親兵營儘先把總同治元年攻克

嘉定縣城陣亡

采訪冊

米春榮合肥人撫標親兵營擬保把總儘先外委同治

元年截勦四江口陣亡同時又有魁字營儘先外委余

學祥王德興撫標親兵營儘先把總童邦選均在四江

口內外夾攻陣亡

采訪冊

李裕庭合肥人忠字營擬保藍翎都司儘先守備同治

元年在常熟縣陣亡同時又有撫標親兵營儘先千總

舒長林撫標親兵營儘先千總魏達均在常熟禦賊接

仗陣亡

采訪冊

續修廬州府志

卷三十六

忠義傳一

七十四

李章本合肥人撫標水師營花翎儘先守備同治元年

與撫標水師營守備銜儘先千總鍾以泰均在福山地

方陣亡

采訪冊

劉長吉合肥人同治元年在四頂山側遇賊與鬪被害

采訪冊

毛金龍合肥人同治元年與子遇賊不屈俱被殺

采訪冊

凌華廷合肥人投効三載戰必爭先同治元年臨陣遇

害又有六品軍功解紹涂藍翎外委張起樂陳華同時

攻賊陣亡

采訪冊

溫邦之合肥人藍翎守備同治元年隨軍進勦常州陣

亡

采訪冊

施克勤合肥人千總同治元年從魁字營擊賊於江蘇
陣亡采訪冊

袁百成余良能余克諧合肥人同治元年均從練攻賊
陣亡采訪冊

韓宏恩合肥人同治元年捻匪擾肥東率練丁擊賊奮
勇爭先身受刃傷數處而亡采訪冊

梁榮第合肥人同治元年賊至被脅不屈賊怒殺之采訪冊

張仁杰張國禎張義發皆合肥人同治元年從蘇撫李
鴻章勦匪陣亡采訪冊

戴家政合肥人文童同治元年在廬江勦賊陣亡是年

續修廬州府志

卷三十六

忠義傳一

七十五

又有沈鳳翔從官軍攻城陣亡通志

王肇宇合肥人同治元年隨營在常熟縣圍中統領張
書傳令帳下兵勇俱出隊肇宇踊躍爭先血戰至福山
被擄慘死又有朱雨漢九月隨盛營在太倉州領勇打
仗受礮傷陣亡采訪冊

夏文泰合肥人同治元年投効樹軍隨勦蘇滬踞賊積
功至花翎都司擬保游擊二年在江陰無錫間力戰陣
亡奉

旨從優議卹給予雲騎尉世職恩騎尉世襲罔替通志采訪冊

孫極餘字耕三合肥人同治元年從盛軍掌書記保六
品頂戴二年在嘉興解北新涇圍陣亡已 旌卹采訪冊

董祖珍字綬青合肥人咸豐間籌辦太湖縣團練防堵有功保府經縣丞歸湖南補用同治元年在壽州隨同州牧督帶練勇二年苗逆叛助守城垣七十餘日城陷巷戰力竭捐軀經江督曾國藩奏請奉

旨給雲騎尉世職入祀壽州及原籍昭忠祠

采訪冊

袁定邦合肥人咸豐十年隨皖撫攻勦鳳潁一帶保藍翎守備同治元年隨淮軍南下二年銘軍調赴福山攻勦賊壘定邦隨隊施放炸礮身受鎗傷猶奮勇爭先以火器殺傷賊匪多名嗣因賊衆力不能支登時陣亡奉

旨優卹予雲騎尉世職祀銘軍昭忠祠子國善承襲

采訪冊

沈玉德合肥人劉士發之壻咸豐六年入銳勇軍每戰

續修廬州府志

卷三十六

忠義傳一

七十六

必克驍勇絕倫與內兄劉克仁齊名以攻克爐橋六安獲勝敘藍翎五品把總同治二年三月調赴江蘇勦賊充樹字營前哨哨官原任兩廣總督張樹聲稱爲將才克復太倉崑山新陽吳淞震澤等城保守備從官軍圍攻無錫縣城玉德攻東門亭子橋爲飛礮所中死年二十九歲奉

旨贈都司銜照都司陣亡例議卹雲騎尉世職子廣炎襲

采訪冊

錢鴻賓合肥人監生尚宗子尚宗仗義疎財勇於任事以醫承先業求診輒效遇鄉里困阨傾囊解救之咸豐五年巡撫福濟副都統伊興阿駐柘皋鎮軍糧不繼尚宗助米二百石草萬斤又勸捐米百石草萬斤以濟軍

需時尚宗爲團首賊聞其名畏之同治二年春賊執鴻
賓脅尚宗降尚宗不屈鴻賓遂被害冊 采訪

沙堪沙恒訓李名達監生張梁棟俱合肥人同治二年

禦賊殉難志通

毛得勝合肥人撫標水師營擬保藍翎千總同治二年

在常熟縣陣亡冊 采訪

劉照域王芝光均合肥人銘字營藍翎儘先把總同治

二年同在福山地方陣亡冊 采訪

史文光合肥人都司與把總余思駱增生黃瑞圖五品

藍翎附生黃獻琛藍翎外委張幹均効力撫標親兵營

於同治二年在太倉州城外擊賊力戰陣亡冊 采訪

續修廬州府志

卷三十六

忠義傳一

七十七

周正儒合肥人銘字營把總同治二年在常熟縣楊舍

陣亡冊 采訪

施銀貴合肥人撫標親兵營守備同治二年會勦江陰

援賊陣亡冊 采訪

范永和合肥人六品軍功藍翎千總同治二年在浙江

晟舍鎮陣亡同時又有六品軍功把總洪太和六品外

委劉太平在徐家汰陣亡冊 采訪

唐先蔭唐先照合肥人均効力銘字營先蔭得千總先

照得把總於同治二年進攻楊舍賊壘同時受傷隕命

冊 采訪

潘國宏合肥人銘字營擬保守備藍翎把總同治二年

攻克嘉善縣陣亡是年又有藍翎把總衛守愷千總楊清元把總曾應祥藍翎外委周志宗藍翎外委童履芳均從銘字營効力在江陰力戰陣亡

采訪冊

張克勤合肥人傳字營儘先外委同治二年在太倉城

外陣亡

采訪冊

駱維城合肥人傳字營儘先把總同治二年在江陰城

外陣亡

采訪冊

吳玉林合肥人傳字營儘先把總同治二年擊敗江陰

援賊陣亡

采訪冊

王得勝合肥人傳字營儘先外委同治二年攻踏江陰

城外賊壘陣亡

采訪冊

續修廬州府志

卷三十六

忠義傳一

七十八

周廷璧合肥人盛字營擬保都司儘先守備同治二年

攻克江陰中鎗陣亡

采訪冊

王從寬合肥人魁字營擬保守備同治二年進勦蘇州

中鎗陣亡是年又有親兵營五品頂戴李章獻在常州

奔牛鎮陣亡

采訪冊

陳慶元丁家發李忠洪均合肥人藍翎把總同治二年

從慶字營在張涇匯擊賊同時陣亡

采訪冊

王舒甲費永隆均合肥人守備與把總趙明禮孫勳煥

於同治二年從銘樹二營在無錫萬壽橋勦賊同時陣

亡

采訪冊

黃嘉桂合肥人樹字營藍翎把總同治二年在常州東

門外陣亡采訪冊

包清旭合肥人鼎字營儘先都司同治二年攻嘉善縣

賊壘陣亡采訪冊

李元德合肥人同治二年賊入境帶練勇百餘人攻賊

以衆寡不敵捐軀采訪冊

周家祥張於貴吳華廷朱曉皆合肥人藍翎把總與武

生沙浩均於同治二年隨淮軍統領攻江蘇太倉州首

先扒城被賊刺死采訪冊

宋文博合肥人同治二年從銘軍在江陰縣中礮陣亡

采訪冊

劉務年合肥人同治二年從銘軍在周家口陣亡采訪冊

續修廬州府志

卷三十六

忠義傳一

七十九

趙仁山合肥人同治二年被賊擄至炯煬不屈死采訪冊

趙仁育趙仁勇趙仁雁俱合肥人於同治二年被執不

屈死采訪冊

沙湛恩合肥人同治二年隨軍攻太倉州陣亡采訪冊

陳省益號紹曾陳秀芝號業義俱合肥人於同治二年

遇賊不屈殉難采訪冊

黃文魁合肥人同治二年在撮鎮罵賊遇害采訪冊

楊點鰲合肥人花翎守備同治二年與劉澤蘭朱宇漢

均在太倉州陣亡采訪冊

吳湧泉合肥人邑庠生同治二年賊竄肥東糾衆擊賊

被執大罵遇害同時又有文童毛穎被擄不屈死采訪冊

高肇璣合肥人年五十二同治二年禦賊殉難其妻許氏子繼賢繼昌同時遇害冊 采訪

吳同盛合肥人同治二年賊拷其母忿與賊鬪被賊殺之冊 采訪

秦家盈秦志貴合肥人均於同治二年糾衆拒賊被害冊 采訪

王兆星王邦傑王志達合肥人同治二年賊擾廬郡均遇賊不屈被害冊 采訪

唐秉禮唐承範合肥人均於同治二年從淮軍克復太倉州陣亡是年又有劉照純隨營擊賊陣亡冊 采訪

程履發程履泰合肥人性皆耿直同治二年賊至被獲

續修廬州府志

卷三十六

忠義傳一

八十

抗節不屈死於惡刑冊 采訪

汪寶玉合肥人在樹字營効力同治二年攻蘇州大河鎮先登陣亡冊 采訪

劉邦啟姚樹成俱合肥人在樹字營効力同治二年攻蘇州陣亡冊 采訪

汪明善合肥人同治二年從魁字營攻常州先登陣亡冊 采訪

姚丹書合肥人年七十五同治二年聞賊入境辦團防堵賊至領衆迎敵衆敗而退丹書獨衣冠端坐罵賊至

死不屈冊 采訪

張之江姚丹龍姚金書皆合肥人耆民同治二年粵匪

入境均罵賊被害冊 采訪

王春和合肥人同治二年賊至持刀力敵被賊圍困力不能支自刎而死冊 采訪

葛盛玉張煥李元德皆合肥人同治二年持械禦賊同時殉難冊 采訪

胡慶華合肥人投効水師營同治二年駐防鎮江鯉魚套與賊水戰奮勇爭先被害冊 采訪

袁伯球合肥人同治二年遇賊大罵不從賊以繩繫之於樑用刀斃割至死罵不絕口冊 采訪

黃錫籌合肥人同治二年賊使送糧不從賊先割其兩耳復殺之冊 采訪

續修廬州府志

卷三十六

忠義傳一

八十一

黃晴秀合肥人同治二年聚眾攻賊殺賊數人賊復率眾至力竭自刎死冊 采訪

丁邦佐蔣業純曹心田夏振寬皆合肥人同治二年遇賊不屈均被殺冊 采訪

溫國炳合肥人投効淮軍同治二年進勦太倉州陣亡冊 采訪

杜永柏合肥人同治二年持刀殺賊并憤罵被害冊 采訪

羅佩音合肥人年七十同治二年賊自巢擾肥人勸避賊鋒佩音不可曰此吾授命之日也賊至被執且索金佩音大罵賊怒倒縛於廳柱以穢煙薰之罵益厲至死

始絕聲冊 采訪

袁登朝合肥人把總在銘字營効力同治二年攻福山

地方陣亡

采訪冊

方潤合肥人把總在撫標親兵營効力同治二年克復

太倉州力竭陣亡

采訪冊

吳西山字靜軒合肥人文生賊至分守水西門以防禦

功保舉訓導城陷罵賊死卹給雲騎尉子斌襲斌勇敢

有爲與吳長慶周盛傳等同起義旅互爲聲援鄉里賴

以扞衛嗣從軍勦賊臨陣必先積功由世職洊保都司

署廬州都司歷官參將晉副將同治三年在盛字營勞

傷發遽卒經直督李鴻章奏聞廕一子以主事分部行

走子積善文生承廕兼襲雲騎尉

采訪冊

續修廬州府志

卷三十六

忠義傳一

八十一

袁戩臣合肥人咸豐年間帶練投効廬州大營給獎六

品藍翎外委同治三年赴樹軍効力陣亡常州城下奉

旨從優議卹給銀一百五十兩贈千總銜並給雲騎尉世職其

弟春甲亦以軍功同時陣亡

采訪冊

孫益孝合肥人同治二年投効樹軍以功獎藍翎把總

三年圍攻常州力戰陣亡部議照兵丁陣亡例議卹史

館立傳入祀本籍府城昭忠祠

采訪冊

王正典合肥人同治元年隨樹軍赴滬勦賊充正營哨

官積功至藍翎補用都司三年力戰常州城下陣亡奉

旨從優議卹給銀四百兩贈游擊銜並給雲騎尉世職

通志采訪冊

張玉海劉灼合肥人同治元年隨樹軍赴滬勦賊積功

均保至儘先守備三年進攻常州同時陣亡奉

旨從優議卹各給銀三百五十兩贈都司銜並給雲騎尉世職

通志
采訪册

靳世和合肥人參將從軍數載逐賊積勞同治三年傷

發身亡已 旌 采訪册

陳榮勝合肥人開字營擬保把總同治三年在嘉興府

陣亡 采訪册

劉桂芳劉維聰合肥人俱守備又把總唐志同外委徐

自成廖學宏均於同治三年隨銘字營攻賊常州陣亡

采訪册

李宏勝袁應福合肥人俱把總同治三年隨鼎字營克

續修廬州府志

卷三十六

忠義傳一

八十二

復嘉興府陣亡 采訪册

唐宗法合肥人同治三年從淮軍克復常州陣亡 采訪册

宋道本合肥人同治三年從銘軍破常熟陣亡 采訪册

劉世球合肥人銘字營千總同治三年在常州府城陣

亡 采訪册

劉盛誥劉盛科合肥人花翎都司與藍翎都司李大貴

王正興守備任文有藍翎千總郭貫棣童應舉千總徐

遜韶藍翎把總衛守環劉長元桂得勝湯正新六品外

委孔憲玉均於同治三年在銘字營攻常州力竭陣亡

采訪册

阮炳榮合肥人効力開字營保游擊銜都司同治三年

克復常州府城陣亡采訪冊

季國楨合肥人花翎都司銜守備同治三年從銘營攻

克常州府城陣亡采訪冊

靳春和合肥人江蘇補用游擊同治三年從銘字營攻

常州受傷身亡采訪冊

蔣正芳合肥人花翎都司同治三年與花翎守備溫國

維藍翎把總曹得千總郭傳慶把總施正旺隨鼎字營

在湖州晟舍擊賊陣亡采訪冊

張行科阮秉榮均合肥人行科由武童在開字營遞保

記名總兵秉榮遞保副將銜儘先參將同治三年攻克

常州陣亡采訪冊

張家齊合肥人少有大志同治三年從周盛波帶勇進

勦太倉連獲勝仗後賊擁至自領一隊迎敵力竭被困

且戰且罵被賊刺於水中而亡采訪冊

劉維精合肥人花翎游擊同治四年從銘軍左營前哨

哨官在湖北永樂河陣亡崇祀昭忠祠采訪冊

張印綬合肥人咸豐十一年皖城失守辦團練攻賊給

五品頂戴同治元年隨將軍多營攻破倉頭鎮等處保

藍翎把總三年在陝西攻克高陵縣城及攻勦十三村

賊巢擢守備又力攻平涼府之四十里鋪鎮原縣之新

城鎮等處連獲大捷斬逆首數名保都司並換花翎攻

復平涼府歷保副將四年二月初六日在河水縣領兵

追勦回匪陣亡采訪冊

謝德宏合肥人銘字營儘先守備同治四年在濟甯長

濟陣亡采訪冊

張樹珊合肥人少習騎射咸豐三年粵逆入皖與兄樹聲奉縣檄團練鄉兵治土匪五年春擊賊巢湖以親兵二十八人破賊千名生擒僞五尚書斬之築堡於殷家畝峙糧儲械護衛居民賊來擾屢擊敗之又敗捻匪張落刑於官亭同邑劉銘傳潘鼎新等相率築堡互爲聲援賊屢陷肥終不敢擾及西鄉九年率練勇擊賊克復霍山縣城

賞戴藍翎以千總用十一年解六安圍陞守備同治元年二月

續修廬州府志

卷三十六

忠義傳一

八十五

克復三河授都司換花翎五月隨蘇撫李鴻章至上海屢擊退李秀成大股悍賊八月解新涇圍並克嘉定晉游擊十二月賊圍四江口阻江以守樹珊逼賊築營與諸軍力戰連破賊壘二十餘座圍解

賞加捍勇巴圖魯名號授參將二年三月航海戰克福山解常熟城圍旋進兵江陰扼南門斷賊去路八月克復江陰賊鮮得脫者歷保副將總兵九月助攻無錫擊潰李秀成陳坤書李侍賢等常州援賊十餘萬乘勝將沿河木石城卡百餘座埽盡遂復無錫生擒逆酋黃子澂父子擢提督三年正月隨兄樹聲與銘傳等進攻常州力戰十餘次四月克其城

賞給正一品封典十月補廣西右江鎮總兵仍統兵守鎮江四年三月赴淮徐勦擒匪適江督曾國藩奉

命勦擒駐徐州以樹珊所部爲親軍九月擒竄曹濟樹珊往援敗賊魚臺時國藩奏設四鎮賊來則戰去則守爲以逸待勞之計陳州之周家口尤爲扼要以提督劉銘傳督兵駐守冬奉

廷寄屢飭追賊乃以銘傳爲游擊之師而檄樹珊移駐周家口益以馬步三營五年三月擊賊沙河賊撲周家口復回軍夾擊敗之五月敗賊沙河之東八月國藩移駐周家口檄樹珊帶兵追賊九月至鄢陵聞賊圍許州兼程進擊遂解圍十月任柱賴汶光等合竄東境追敗豐縣南

續修廬州府志

卷三十六

忠義傳一

八十六

又連敗於定陶曹縣十一月回軍周家口旋追賊於汝甯賊竄鄂境提督郭松林敗績於白口賊燄復張肆擾黃州德安之間鄂撫曾國荃檄樹珊往援卽率軍疾進十二月至德安擊賊楊家河東岸賊酋任柱敗遁樹珊誓欲擒之率親軍二百餘人窮追至新家聞賊分路回抄衝斷後隊隨陷賊陣力戰陣亡六年正月鴻章以聞諭曰張樹珊忠勇過人疊克名城所向有功此次率兵赴援湖北誓滅此賊以致被賊圍困力竭陣亡曷勝惋惜著照提督陣亡例從優議卹並加恩予諡其廬州本籍及立功地方均著建立專祠所有隨同陣亡之副將劉登朝郭有容都司馬壽文同知銜升用知縣李輝麟都司銜守備黃瀚均著照原

銜從優議卹并准其附祀張樹珊專祠以慰忠魂二月國藩復於周家口爲樹珊建祠尋

賜卹如例

予諡勇烈

賞騎都尉兼一雲騎尉世職襲次完時給予恩騎尉世襲罔替七年七月捻逆盪平

上追念前勳

賜祭一壇八月鴻章疏言樹珊忠勇過人其所部分歸劉銘傳及其弟樹屏統帶隨同勦捻大功告成籲請

敕賜宮銜奉

旨贈太子少保銜長子雲達襲世職

國史館列傳
奏案咨文通志

續修廬州府志

卷三十六

忠義傳一

八十七

劉登朝合肥人同治元年充樹軍副營幫帶官隨勦江浙豫東等省髮捻積功至花翎儘先副將五年湖北德安之役力戰陣亡奉

旨從優議卹給予騎都尉世職附祀前廣西右江鎮張樹珊專

祠

通志
采訪冊

郭有容合肥人同治元年充樹軍副營哨官隨勦江浙豫東等省髮捻積功至花翎儘先副將五年湖北德安之役力戰陣亡奉

旨從優議卹給予騎都尉世職附祀前廣西右江鎮張樹珊專

祠

通志
采訪冊

馬壽文合肥人同治三年充樹軍副營哨官隨勦江浙

豫東等省髮捻積功至花翎補用都司五年湖北德安之役力戰陣亡奉

旨從優議卹給予雲騎尉世職附祀前廣西右江鎮張樹珊專

祠通志
採訪冊

黃瀚合肥人同治二年充樹軍正營親兵哨官隨勦江

浙豫東等省髮捻積功至花翎都司銜儘先守備五年

湖北德安之役力戰陣亡奉

旨從優議卹給予雲騎尉世職附祀前廣西右江鎮張樹珊專

祠採訪冊

周家吉合肥人藍翎千總同治五年從銘軍在山東曹

縣陣亡採訪冊

續修廬州府志

卷三十六

忠義傳一

八十八

陳金太合肥人守備同治五年從銘軍在山東曹州府

陣亡採訪冊

李紀榮合肥人儘先外委同治五年從銘軍在山東金

鄉縣陣亡採訪冊

廖應昌合肥人外委同治五年從銘軍在山東濟甯州

陣亡採訪冊

鄭宏道合肥人游擊銜補用都司同治五年與藍翎守

備潘得全從鼎字營在山東魚臺縣陣亡採訪冊

吳有煒合肥人守備同治五年從勦捻匪陣亡採訪冊

楊玉清合肥人藍翎守備同治五年與千總沈玉成藍

翎把總郭正烈樊有勝李春元吳得成把總張餘貴均

從樹字營在湖北地方勦捻陣亡采訪冊

劉朝煦字協臣合肥人咸豐間粵賊煽亂築堡習戰同治元年隨其從祖銘傳率師入滬常熟賊目以城就撫僞忠逆糾衆數十萬圍攻議者欲棄之銘傳不可曰常熟福山爲江南之樞紐常熟不救是無江南也朝煦麾兵猛攻圍遂解時護逆陳坤書守常州甚固銘傳曰常州金陵後路克常州金陵之賊失勢矣朝煦復血戰克其城江南肅清累官至副將征捻匪轉戰數省六年正月追賊至湖北尹澧河力竭陣亡妻方氏聞耗誓以死殉柩抵里銜哀絕粒死事聞旌如例並於本籍建立

專祠通志采訪冊

續修廬州府志

卷三十六

忠義傳一

八十九

唐殿魁字蓋臣合肥人咸豐年間倡辦團練疊禦髮捻堵苗逆以功補千總同治元年從銘軍至上海攻勦踞賊常爲軍鋒以次克復南匯川沙柘林等處救援常熟力戰克復福山石城解常昭之圍累擢總兵加勇號與副將黃桂蘭駐營奔牛鎮常州城賊乞援僞渠李秀成約悍黨環攻奔牛營以一輪船發炸礮日夜夾攻殿魁血戰堅守俟官軍四集奮呼出營追賊大勝之遂爲銘軍第一將才六年補廣西右江鎮總兵從銘軍擊捻逆於湖北天門之尹澧河乘騎中礮陣亡

贈太子少保諡忠壯史館立傳江蘇湖北安徽均建專祠世襲

騎都尉通志采訪冊

胡大灼合肥人同治元年充樹軍哨長隨勦江浙鄂豫等省髮捻積功至花翎儘先游擊六年在山東力戰陣亡奉

旨從優議卹給予雲騎尉世職冊 采訪

徐大勝合肥人藍翎都司同治六年與都司潘維照藍翎守備王照雲藍翎千總陳榮貴千總楊玉成把總林邦喜任智財陳桂秋鄒宏恩外委黃福甯黃世元均在湖北地方陣亡冊 采訪

王國英合肥人藍翎外委同治六年從開字營在湖北黃安陣亡冊 采訪

王維剛合肥人花翎參將同治六年從樹字營在湖北

續修廬州府志

卷三十六

忠義傳一

九十

打仗因傷殞命冊 采訪

徐家榮合肥人都司同治六年從銘字營在山東地方陣亡冊 采訪

周長發合肥人外委同治七年從仁軍在河南滑縣陣亡冊 采訪

蔡家盛牛兆英合肥人俱守備同治七年從盛軍在山東德州土橋陣亡冊 采訪

蔣家餘合肥人同治七年從銘軍効力陣亡冊 采訪

宇文建合肥人游擊又把總宇文高鍾正揚均於同治七年在山東擊賊陣亡冊 采訪

王鴻彪合肥人都司同治七年在山東樂縣境內勦賊

被殺采訪冊

劉超廷合肥人記名提督同治八年因傷身故照陣亡

例給卹采訪冊

胡鳳喈合肥人花翎副將從軍歷著戰功同治八年督

兵在潁州勦捻力竭陣亡采訪冊

孫璧聯合肥人幼失怙事母孝及長排難解紛鄰里以

不阿稱之同治八年賊至命家人逃避自投水死采訪冊

蒯光烈合肥人江蘇候補同知海運委員光緒元年福

興洋船沈溺斃命奏請照陣亡例給卹建立專祠采訪冊

唐人灼唐人玉唐人慶俱合肥人光緒元年從武毅軍

援臺灣克復獅社陣亡采訪冊

續修廬州府志

卷三十六

忠義傳一

九十一

章通志作童學書合肥人文童官兵圍三河時學書當賊築

壘從事行間身冒矢石被殺其叔翠峯弟學詩從征桐

城營潰亦皆遇難已請 旌卹又有陸永慎永興永芳

居肥之東西山驛攻三河鎮時奮勇助戰陣亡通志采訪冊

黃湘芬合肥人六品監生又有監生黃常修黃先達文

生黃瑞華五品文童黃瑞璠藍翎千總黃康福六品軍

功黃先舉黃作霖孝子黃瑞五等一門死事七十八人

又殉難者三十九人同治十一年奉

旨旌卹建立祠坊通志

甯大勛字德洋合肥人粵逆犯境大勛年已八十有四

督帥江忠源守城屢至其家詢問合邑民情及城陷忠

源殉節勛聞之亦死難以孫貴贈武毅都尉采訪冊

程士珍合肥人從解江西長山圍積功獎五品藍翎賊復至士珍力戰左乳中流矢戰益烈終以傷重被執磔死又有程士祥者素奮勇援江西徐州得四品花翎賊猝至士祥怒騎直前刃數賊衆寡不敵遇害采訪冊

徐光哲合肥人隨官軍防南陵每夜潛刃賊以功得五品藍翎賊覺嚴備值光哲往獲而焚之死采訪冊

葉增基合肥人隸鄧紹良營爲百夫長性樸誠戰則身先敘功讓諸衆人紹良益奇之積勞保都司花翎賊大股撲南陵增基挺刃迎擊斃賊多名賊怯退增基尾追日晡賊伏起馬中傷踣被執寸磔之采訪冊

昂榮盛合肥人素力農家毀於賊憤極以勇目防宛平屢戰輒勝積功得六品旋遣偵賊虛實被獲剖腹死采訪冊

李世賢合肥人被賊擄至江蘇周莊鎮不堪其虐與賊力爭被短刀砍死采訪冊

魏書有合肥人賊至三河書有負母出避賊追及令棄母爲之服役不可曰吾母有病舍之則死賊推下其母致死遂握拳擊賊被羣賊刺死采訪冊

梁壯禮合肥梁園人監生咸豐八年賊至東鄉與鬪功進同時被執功進救母遇害賊強壯禮偕行爲之服役壯禮不屈罵不絕口賊怒殺之采訪冊

吳思舉合肥人六品軍功請官兵逐賊既復三河鎮思
舉偕二子學思學濂同禦賊陣亡采訪冊

楊如松合肥人廩生城陷時築堡以衛鄉里守正不阿
爲土匪所忌乘夜劫之如松與其子及孫孫女一均遇

害采訪冊

張和俊合肥人賊圍長鎮爲賊所獲大罵不屈至雷麻
店縛於樹上用烏鎗擊死采訪冊

岳大治合肥人築圩長鎮自保賊過被執脅降其衆治
曰吾拚一死不能使衆人從賊賊怒致之死圩卒未失

采訪冊

郭茂森姚慶儀王鈞遠程藩俱合肥人均以各鄉集練

續修廬州府志

卷三十六

忠義傳一

九十二

從征陣亡通志

趙賡申合肥人席珍之孫寄居北鄉長岡店賊攻余堡

賡申戰亡繼妻董氏矢志守節采訪冊

史德駿合肥人歲貢生年十八粵賊陷城父含彰命偕
弟德寬出城德駿哭曰父旣在城願從父死不忍去遂

同殉難采訪冊

史德基合肥人邑庠生賊至時其母呼曰吾止汝一子
宗祀至重可率汝子遠避他鄉或免於難對曰母在願
在母亡卽亡遂囑其子於親故母子並殉難采訪冊

周開選合肥人保舉八品帶練拒賊於中派河適大股
賊由廬郡退至中派河踏王大村官營盡力前追焚殺

選僅帶鄉兵六名渡河直抵圩埂火尖嘴斷賊要路賊稍退選尾追之被鎗殞命

采訪册

陳天秩天培合肥人兄弟二人率練守禦西城日夜登陴城陷奮不顧身手刃數賊而亡又有查含英城陷遇賊不屈大罵被賊破腹而死

采訪册

孫雲鵬合肥人監生年三十賊入境執其母將殺鵬拚死救護被賊短刀斫死

采訪册

彭畹蘭合肥人文生城陷賊竄北鄉堵禦殺賊受重傷爲賊所執不屈死又有耆民陸朝綱賊竄北鄉入其家綱被執不從賊用刀穿喉死

采訪册

張士偉合肥人賊至罵不絕口賊戕之子家禮家祿家

誥見父死以石擊賊賊盡殺之士偉妻徐氏見夫與子同死遂抱孫女赴水死次媳蔡氏素孝亦奪賊刀自刎

死

采訪册

胡桂林合肥人廩生賊至挾之行不從賊怒刃其喉而

死

采訪册

彭家鼇合肥人文生在鄉聞賊圍城命姪孫文生芸青潛入城內面奉巡撫江忠源諭辦東鄉團練胞弟武生振標督練助勦於十一月與總兵裕同日殉難

通志采訪册

宋師韓合肥人初以材武拔補六安營外委隨副將馬轉戰鳳廬壽六間積功保至參將後以孤軍駐定遠城外賊虜至合圍營中鉛藥俱盡師韓知勢不免因開壁

奮擊手刃黃旗賊目力戰陣亡合營感其忠勇斷肢絕
脰無走者采訪册

吳椿合肥人六品軍功領練勇守城及城陷先焚其屋
椿嫂林氏守節待旌年逾六十弟婦史氏媳董氏姪
國延孫如意得意姪女二孫女一同投水死椿罵賊而
亡蓋一門十口同殉云采訪册

姜序東合肥人攜眷就館安慶南鄉省垣失陷與其母
吳氏弟餘慶同日殉難采訪册

甯熙泰合肥人從九選榜之次子性孝友年十八以外
委從軍隨兄繼賢在零頭鎮葉統帥大營司子藥庫賊
破營被執不屈死采訪册

阮完忠合肥人從蘇撫李鴻章勦賊蘇省帶奮勇百人
爲先鋒屢搗賊穴有奇功得五品銜並戴藍翎旋攻常
州連踏平數寨寨旂首先登城爲流矢所中歸營絕而
復甦猶三呼殺賊而逝采訪册

馬繼常合肥人爲賊所獲乘間逸出復糾諸少年刺賊
再被賊擒賊殺之采訪册

駱國文駱國安合肥人賊至中廟水師潰賊上岸國文
國安偕衆登山拋石擊賊偶失足被賊石擊死采訪册

黃騰甲合肥人教諭學熙孫城陷令妻攜子投井適賊
至出其子於井拘之又令騰甲充僞職不屈令舂硝又
大罵鞭之流血投井死子亦死采訪册

唐鳳鳴合肥人藍翎守備自蘇州營次回廬道經泗州
猝遇賊同僕二人皆遇難妻王氏年二十矢志守節采訪冊

賈榮周賈大德賈選俱合肥人從總兵馬昇平在定遠
力戰陣亡采訪冊

吳學惠吳學習合肥人兄弟也從百總奚學盛在江南
塘溝鎮禦賊陣亡采訪冊

宋立剛合肥人從李營効力在巢縣東關陣亡又趙之
璞隨軍征勦陣亡采訪冊

曹家春曹家蘭合肥人與文童曹家喜皆賊擄不屈被
殺采訪冊

續修廬州府志

卷三十六

忠義傳一

九十六

任中舟合肥人賊入境肆淫掠中舟以正言止之賊不
聽遂痛罵被賊殺死采訪冊

卞傑長合肥人在瓦協岡遇賊憤罵被殺采訪冊

卞邦先合肥人賊突入境被執不屈賊怒殺之采訪冊

卞邦畿合肥人在顏家灣遇賊力爭被賊刺喉死采訪冊

吳光望合肥人賊入境擄其父去光望求代不許罵賊

被害采訪冊

楊用功楊盈舟許大旌俱合肥人充當練勇在大嶺禦
賊陣亡又王倫玉隨勦無爲州陣亡采訪冊

蔡家鍾合肥人從九城陷通志三年咸豐遇賊死之合家皆

入井殉難又蔡邦樑罵賊不屈死之通志采訪冊

魏本恕合肥人儒士奉母避亂姚家圩被賊執不屈遇害采訪冊

張有緒合肥人賊至遇害並孫媳龔氏及一家殉難采訪冊

趙璧合肥人城陷被執不屈賊殺之并毀其尸采訪冊

鄒鴻奎合肥人武生在十八里岡團練禦賊殺賊數人卒以衆寡不敵殉難采訪冊

程世珍合肥人耆民目雙瞽賊至迎門大罵賊怒用繩束之投水死采訪冊

張宏揚合肥人遇賊被執懸於樹間大罵不屈賊磔殺之采訪冊

續修廬州府志

卷三十六

忠義傳一

九十七

汪春彩沙恩式合肥人年均七十餘遇賊被執不屈死采訪冊

劉伊寬合肥人團練禦賊力竭被執不屈死之采訪冊

馬魁元合肥人從九賊至被擄不從罵賊而死又有從九沙鳳翰禦賊被擒不屈死采訪冊

沙禮訓沙提合肥人皆從官軍攻太倉州陣亡采訪冊

黃爾毅合肥人從九粵逆陷城與妻董氏同殉難采訪冊

李成九合肥人帶練禦賊城陷賊逼降不屈死采訪冊

許宗彝合肥人年八十三賊由巢湖竄至許村宗彝責以正言遂遇害采訪冊

王雲龍合肥人隨官軍攻三河賊壘先登中礮死采訪冊

夏鴻泰合肥人八品軍功僑寓無爲州被賊執不屈死
冊 采訪

許襲猷合肥人年八十二賊至東鄉罵賊伏刃死
冊 采訪

劉佩合肥人監生隨官軍勦賊福山力戰陣亡
冊 采訪

胡有昇合肥人都司太倉軍潰賊脅之降不屈死
冊 采訪

凌華廷合肥人投効金陵大營三載每戰必先以奮勇

攻賊陣亡
冊 采訪

李思廉合肥人從營効力在太倉州力戰陣亡
冊 采訪

許彩瑞合肥人賊過境被執不屈賊怒殺之
冊 采訪

李兆熊武生李家彬六品軍功合肥人均帶練守城城

陷戰死於水西門
冊 采訪

續修廬州府志

卷三十六

忠義傳一

九十八

曹鴻章合肥人擊賊於安慶集賢關又黎慕青楊志修

勦堵僞英逆又甯永康潘守義周一孜勦賊於甯家廟

李科李文倉湯玉春李祥徐繼榮鄧明德方某王某張

某勦賊於青龍廠均陣亡
冊 采訪

許淮嚴彬合肥人居白龍廠粵逆過境俱應練陣亡
冊 采訪

冊

尹茲相合肥人北捻龔瞎子率衆急攻朱家巷民圩聲

言須圩首出乃罷退茲相念一圩生命挺然躍出直認

圩首責捻數語遂被毀身而死
冊 采訪

沙文元合肥人貿易爲業髮逆四鄉擄掠入其室罵之

遂遇害
冊 采訪

張士升陳萬雲合肥人均素行公正髮逆入境擄掠與之爭拒并抗聲大罵被賊戕死采訪冊

魏書轍合肥人文童賊沿鄉擄掠轍以母老子幼偕匿東灣圩中賊至擄其母及其子遂痛罵之被賊刺喉而死又有從九楊錫祚城陷罵賊被害采訪冊

盛秉清張朝選合肥人皆從營征江南兵潰力戰死之采訪冊

周盛春周家寬合肥人均都司於同治初年投効盛營充哨官帶隊打仗屢立戰功終以奮勇殺賊身受重傷而亡采訪冊

劉汝霖合肥人監生好義急公咸豐三年奉記名御史

續修廬州府志

卷三十六

忠義傳一

九十九

李文安諭辦東里團練毀家紓難防衛甚有功歷三年辛勤不懈積勞嘔血而亡采訪冊

楊思納合肥人父先鵬八品壽官年七十餘因疾不能逃納不忍離賊至見其家有頂戴壽屏等物怒傷其父納護之不獲遂與格鬪被殺父帶病受驚亦亡采訪冊

鄭步增合肥人鄭標長子咸豐年間在郡城教讀城陷罵賊死年二十九采訪冊

丁春泉合肥人副將銜游擊征嘉興被傷得功旋從軍攻勦北捻陣亡采訪冊

陳天敘吳紹文合肥人均賊至率同練丁堵禦戰敗而死又有陳國鼎連傷二賊賊大隊至力竭死之陳國興

從練殺賊身受重傷而死陳國長奮身殺賊身受二十餘傷死陳天成堵賊賊怒分尸慘死黃啟海黃思成均禦賊被害冊 采訪

王芝芹合肥人花翎五品軍功隨營擊賊陣亡又有守備宋報國克復常州陣亡冊 采訪

葛兆倫合肥人六品頂戴從提督鄧至蕪湖採辦軍食被賊執殉難冊 采訪

吳有朋合肥人花翎守備在勝字營擊捻匪於廣德州陣亡冊 采訪

郭守福合肥人從營効力咸豐年間守廬江縣隨隊出城擊賊陣亡冊 采訪

續修廬州府志

卷三十六

忠義傳一

一百

張宏勝合肥人六品頂戴從營戰於滁州奮勇當先陣亡冊 采訪

羅懷金合肥人從都司黃國堯擊賊於巢湖奪賊船十餘隻器械無算被賊礮擊中腦死冊 采訪

賈春富合肥人投効淮軍攻常州府緣梯登城格殺數賊被礮擊死冊 采訪

蔡家餘合肥人從銘軍効力奮勇當先力戰陣亡冊 采訪

孟蘭香周春海俱合肥人帶練在籍勦賊陣亡通志

蔡有秋張志洪文生朱乙照俱合肥人全家殉難通志

高仰山合肥人五品藍翎浙江候補縣丞同歲貢生高樹廷在甯國府力戰陣亡冊 采訪

高鴻謨合肥人五品藍翎潛山縣把總在桐城大關力

戰陣亡采訪冊

附寄籍

梁園巡檢高國炳大興縣人咸豐三年奉委帶練守廬

城城陷被害其母與其妻女同時殉難已采訪冊旌

江甯縣文生甯景莊寄居合肥課徒爲業年九十餘好

學不倦尤精易理咸豐三年城陷殉難采訪冊惟德

